

水經注釋

ル 5
139
3



水經注釋卷六

仁和趙一清誠夫錄

汾水

澮水

涑水

文水

原公水

洞渦水

晉水

湛水

汾水出太原汾陽縣北管涔山

山海經曰北次二經之首在河之東其東首枕汾其名曰管涔之山其上無木而多草其下多玉汾水出焉而西流注於河十三州志曰出武州之燕京山亦管涔之異名也其山重阜修巖有草無木泉源導於南麓之下蓋稚水蒙流耳又西南夾岸連山聯峯接勢劉淵族子

水經注釋

所錄文
有物焉

凡
139
3

曜嘗隱居於管涔之山夜中忽有二童子入跪曰管涔
 王使小臣奉謁趙皇帝獻劍一口置前再拜而去以燭
 視之劍長二尺光澤非常背有銘曰神劍服御除眾毒
 曜遂服之劍隨時變為五色也後曜遂為胡王矣汾水
 又南與東西溫谿合水出左右近谿聲流翼注水上雜
 樹交蔭雲垂烟接自是水流潭漲波襄轉泛又南逕一
 城東憑墉積石側枕汾水俗謂之代城又南出二城間
 其城角倚翼枕汾流世謂之侯莫干城蓋語出戎方傳
 呼失實也汾水又南逕汾陽縣故城東川土寬平峘山
 夷水故地理志曰汾水出汾陽縣北山西南流者也漢

高帝十一年封靳彊為侯國後立屯農積粟在斯謂之

羊腸倉山有羊腸坂在晉陽西北石磴縈委若羊腸焉

故倉坂取名矣漢永平中治呼沱石白河按司馬彪後

漢郡國志常山南行唐縣有石白谷一清按十九字注

縣下云隋圖經房山澱水出焉亦謂之石白河又謂之

行唐水出行唐東入博陵謂之木刀溝一謂之袞袞水

南流入滹沱澱水一見于清水篇曰澱邑是也再

見于濁漳水篇曰澱口是也皆是水流逕通者也蓋咨

乘朱氏謀埴箋曰御覽作資承呼沱之水轉山東之漕自都盧至羊

腸倉將憑汾水以漕太原一清按古今注曰永平十年

船也此即所謂轉用實秦晉苦役連年轉運所經凡三

山東漕之道也百八十九隘死者無算拜鄧訓為謁者監護水功訓隱

括知其難立具言肅宗肅宗從之全活數千人和熹鄧
后之立叔父陔以為訓積善所致也羊腸即此倉也又
南逕秀容城東魏土地記曰秀容胡人徙居之立秀容
護軍治東去汾水六十里南與酸水合水源西出少陽
之山東南流注於汾水汾水又南出山東南流洛陰水
注之水出新興郡西流逕洛陰城北又西逕孟縣故城
南春秋左傳昭公二十八年分祁氏七縣為大夫之邑
以孟丙為孟大夫顧炎武左傳杜解補正云孟丙為孟
大夫今本作孟丙者非漢書地理志
云孟晉大夫孟丙邑以其為孟大夫而謂之孟丙猶魏
大夫之為魏壽餘閭大夫之為閭嘉邯鄲大夫之為邯
鄲午也洛陰水又西逕狼孟縣故城南王莽之狼調也左

右夾澗幽深南面大壑俗謂之狼馬澗舊斷澗為城有
南北門門闔故壁尚在洛陰水又西南逕陽曲城北魏
土地記曰陽曲胡寄居太原界置陽曲護軍治其水西
南流注於汾水汾水又南逕陽曲城西南注也一清按
漢志太

原郡陽曲縣應劭曰河千里
一曲當其陽故曰陽曲也

東南過晉陽縣東晉水從縣東南流注之

太原郡治晉陽城秦昭襄王三年立尙書所謂既修太
原者也春秋說題辭曰高平曰太原原端也平而有度
廣疋曰大鹵太原也釋名曰地不生物曰鹵盧穀梁傳
曰中國曰太原夷狄曰大鹵尙書大傳曰東原底平大

而高平者謂之太原郡取稱焉魏土地記曰城東有汾水南流水東有晉使持節都督并州諸軍事鎮北將軍太原成王之碑水上舊有梁清并殞於梁下豫讓死於津側亦襄子解衣之所在也汾水西逕晉陽城南舊有介子推祠祠前有碑廟宇傾頽唯單碑獨存矣今文字剝落無可尋也

又南洞渦水從東來注之

汾水又南逕梗陽縣故城東故榆次之梗陽鄉也魏獻子以邑大夫魏戍也京相璠曰梗陽晉邑也今太原晉陽縣南六十里榆次界有梗陽城名勝志清源縣下引水經注云汾水又南

逕梗陽縣故城東有白石水中隱水俱來注之今本無之汾水又南即洞渦水會者也

又南過大陵縣東

昔趙武靈王遊大陵夢處女鼓琴而歌想見其人吳廣進孟姚焉即于此縣也王莽改曰大甯矣汾水於縣左迤為鄔澤廣雅曰水自汾出為汾陂其陂東西四里南北一十餘里陂南接鄔地理志曰九澤在北并州藪也呂氏春秋謂之大陸又名之曰漚洩之澤俗謂之鄔城泊許慎說文曰瀉水出西河中陽縣北沙南入河即此水也禹貢錐指曰冀州有三大陸一在鉅鹿郡北班固繫諸禹貢又名鉅鹿澤呂氏春秋云趙有鉅鹿又

名廣河澤爾雅晉有大鹿孫炎曰今鉅鹿縣廣河澤是也此真禹貢之大陸也一在河內修武縣左傳定公元年魏獻子田于大陸還卒于甯杜預云大陸疑即吳澤陂近甯是也一在太原鄆縣班固云九澤在縣北是為昭餘祁并州藪鄆道元云呂氏春秋謂之大陸是也斯二者皆非禹貢之大陸也今按呂覽九藪既云晉之大陸又云趙之鉅鹿則一澤不應兩見故道元以鄆澤當之蓋晉為唐叔始封大陸宜在其境內而鉅鹿當戰國時實為趙地故分為二澤也要之廣平曰陸是處有之大者則謂之太原耳然晉之大陸在漢大陵縣界陸恐陵之誤全氏曰昭餘祁是鄆水瀉而為瀉水瀉烏字之變也是為并州藪若并州之川曰瀉夷則瀉也呂覽以二者合而為一善長于瀉水明指為瀉夷矣而鄆水又瀉引之蓋瀉水又會嬰侯之水山海經稱謁戾之山嬰侯失檢也

之水出于其陰北流注於汜水右出汜山其水殊源共合注于嬰侯之水亂流逕中都縣南俗又謂之中都水

侯甲水注之水發源祁縣胡甲山有長坂謂之胡甲嶺

即劉歆遂初賦所謂越侯甲而長驅者也蔡邕曰侯甲

亦邑名也在祁縣侯甲水又西北歷宜歲郊逕太谷謂

之太谷水出谷西北流逕祁縣故城南自縣連延西接

鄆澤是為祁藪也即爾雅所謂昭餘祁矣賈辛邑也辛

貌醜妻不為言與之如臯射雉雙中之則笑也朱氏謀

據左傳貌醜者自是瑋箋曰王莽之示縣也又西逕京陵縣故

城北王莽更名曰致城矣於春秋為九原之地也故國

語曰趙文子與叔向遊於九原曰死者若可作也吾誰

與歸叔向曰其陽子乎文子曰夫陽子行廉直於晉國

不免其身智不足稱吾其隨會乎納諫不忘其師矣其

京尙存漢興增陵於其下故曰京陵焉方輿紀要平陶

遙避太武嫌名水經注西胡侯甲水又西北逕中都縣

內侵徙居京陵今本無之故城南城臨際水湄春秋昭公二年晉侯執陳無宇於

中都者也漢文帝為代王都此武帝元封四年上幸中

都宮殿上見光赦中都死罪以下侯甲水又西合於嬰

侯之水逕鄔縣故城南晉大夫司馬彌牟之邑也謂之

鄔水也俗亦曰慮水慮鄔聲相近故因變焉又西北入

鄔陂而歸於汾流矣

又南過平陶縣東文水從西來流注之

汾水又南與石桐水合即緜水也水出界休縣之緜山

北流逕石桐寺西即介子推之祠也昔子推逃晉文公

之賞而隱於縣上之山也晉文公求之不得乃封緜為

介子推田曰以志吾過且旌善人因名斯山為介山故

袁山松郡國志曰界休縣有介山有緜上聚子推廟王

肅喪服要記曰昔魯哀公祖載其父孔子曰甯設桂樹

乎哀公曰不也桂樹者起於介子推子推晉之人也文

公有內難出國之狄子推隨其行割肉以續軍糧後文

公復國忽忘子推子推奉唱而歌文公始悟當受爵祿

子推奔介山抱木而燒死國人葬之恐其神魂實于地

故作桂樹焉吾父生於宮殿死於枕席何用桂樹為余
按夫子尚非璵璠送葬安能問桂樹為禮乎王肅此證
近於誣矣石桐水又西流注於汾水汾水又西南逕界
休縣故城西王莽更名之曰界美矣城東有徵士郭林
宗宋子浚二碑宋沖以有道司徒徵林宗縣人也辟司
徒舉太尉以疾辭其碑文云將蹈洪崖之遐迹紹巢由
之逸軌翔區外以舒翼超天路以高峙稟命不融享年
四十有三建甯四年正月丁亥一清按漢隸字源載此碑作乙亥文選同後漢書靈帝紀建甯四年正月甲子是有乙亥無丁亥注文誤卒凡我四方同好之人永
懷哀痛乃樹碑表墓昭銘景行云陳畱蔡伯喈范陽盧

子幹扶風馬日磾等遠來奔喪持朋友服心喪期年者
如韓子助宋子浚等二十四人其餘門人著錫衰者千
數其碑文故蔡伯喈謂盧子幹馬日磾曰吾為天下碑
文多矣皆有慙容惟郭有道無愧於色矣汾水之右有
左部城側臨汾水蓋劉淵為晉都尉所築也

又南過冠爵津

汾津名也在界休縣之西南俗謂之雀鼠谷數十里閒
道嶮隘水左右悉結偏梁閣道纍石就路縈帶巘側或
去水一丈或高五六尺上戴山阜下臨絕澗俗謂之為
魯般橋蓋通古之津隘矣亦在今之地嶮也太平寰宇記靈石縣

水經注

汾水

下引水經云汾水又南過冠爵津與桐水合注云汾水關名也在雀谷一名雀津俗謂之雀鼠谷校勘云按今水經及注與此皆小異大抵今記所引古書但取其意而增損其文務要通俗不與古書合又寰宇記洪洞縣下引水經云霍山北有雀鼠谷中道險左右悉結成偏梁累石就路俗謂之魯般橋與今文差近也

又南入河東界又南過永安縣西

故彘縣也周厲王流于彘卽此城也王莽更名黃城漢順帝陽嘉三年改曰永安縣霍伯之都也歷唐城東瓚注漢書云堯所都也東去彘十里汾水又東與絺水合水出東北太岳山禹貢所謂岳陽也卽霍太山矣上有飛廉墓飛廉以善走事紂惡來以多力見知周王伐紂兼殺惡來飛廉先爲紂使北方還無所報乃壇于霍太

山而致命焉得石棺銘曰帝令處父不與殷亂賜汝石棺以葬死遂以葬焉霍太山有岳廟廟甚靈烏雀不棲其林猛虎常守其庭又有靈泉以供祭祀鼓動則泉流聲絕則水竭湘東陰山縣有侯曇山上有靈壇壇前有石井深數尺居常無水及臨祈禱則甘泉湧出周用則已亦其比也絺水又西流逕觀阜北故百邑也原過之從襄子也受竹書於王澤以告襄子襄子齋三日親自剖竹有朱書曰余霍太山山陽侯天使也三月丙戌余將使汝反滅智氏汝亦立我於百邑也襄子拜受三神之命遂滅智氏祠三神於百邑使原過主之世謂其處

為觀阜也。彘水又西流逕永安縣故城南西南流注於汾水。汾水又南逕霍城東，故霍國也。昔晉獻公滅霍，趙夙為御，霍公求奔齊。晉國大旱，卜之曰：霍太山為祟。使趙夙召霍君奉祀，晉復穰也。蓋霍公求之故居也。汾水又逕趙城西南，穆王以封造父，趙氏自此始也。汾水又南，霍水入焉。水出霍太山，發源成潭，漲七十步而不測。其深西南逕趙城南，西流注於汾水。太平寰宇記：洪洞縣下引水經云：霍水出趙城縣東三十八里廣勝寺大郎神，西流至洪洞縣界，與今本異。

又南過楊縣東

澗水東出穀遠縣西山西南逕楊縣，霍山南又西逕楊

縣故城北。晉大夫僚安之邑也。應劭曰：故楊侯國，王莽更名有年亭也。其水西流入於汾水。汾水逕楊城西，不於東矣。魏土地記曰：平陽郡治楊縣，郡西有汾水南流者是也。

西南過高梁邑西

黑水出黑山西逕楊城南，又西與巢山水會。山海經曰：牛首之山，勞水出焉，西流注於潘水，疑是水也。潘水即巢山之水也。水源東南出巢山東谷，北逕浮山東，又西北流與勞水合，亂流西北逕高梁城北，西流入於汾水。又南逕高梁故城西，故高梁之墟也。春秋僖公二十四

年秦穆公納公子重耳於晉害懷公於此竹書紀年晉出公十三年智伯瑤城高粱漢高帝十二年以為侯國封恭侯酈疥於斯邑也

又南過平陽縣東

汾水又南逕白馬城西魏刑白馬而築之故世謂之白馬城今平陽郡治汾水又南逕平陽縣故城東晉大夫趙鼂之故邑也應劭曰縣在平河之陽堯舜並都之也竹書紀年晉烈公元年韓武子都平陽漢初曹參擊魏王豹走之盡有魏地後封列侯食邑平陽固斯境矣昭帝封度遼將軍范明友為侯國王莽之香平也晉立平

陽郡治此矣

一清按三國志魏書三少帝紀齊王芳正始八年夏五月分河東之汾北十縣為平

陽郡非始于晉也

水側有堯廟前有碑魏土地記曰平陽城

東十里汾水東原上有小臺臺上有堯神屋石碑永嘉

三年劉淵徙平陽於汾水得白玉印方四寸高二寸二

分龍紐其文曰有新寶之印王莽所造也淵以為天授

改永鳳二年為河瑞元年汾水南與平水合水出平陽

西壺口山尚書所謂壺口治梁及岐也

禹貢錐指曰冀州有三壺口一

在吉州西南禹貢之壺口也一為汾陰縣西南之平山平水所出亦名壺口山又名姑射山酈道元謬以為尚書之壺口一在長治縣東南左傳哀公四年齊國夏伐晉取壺口杜註潞縣東有壺口關潞縣即今潞城縣關以山名此二山皆非禹貢之壺口也又曰壺口山漢志在北屈縣東南括地志云在吉昌縣西南五十里吉昌

水經注釋
汾水

今吉州也後魏延興四年於此置定陽郡及縣元和志云北屈故縣在定陽郡北二十里今州直北之地山當在其西南漢志云東南誤也

其水東逕狐谷亭北春秋時狄侵晉取狐廚者也又東逕平陽城南東入汾俗以為晉水非也汾水又南歷襄陵縣故城西晉大夫卻犇之邑也故其地有犇氏鄉亭矣西北有晉襄公陵縣蓋卽陵以命氏也王莽更名曰幹昌矣

又南過臨汾縣東

天井水出東陘山西南北有長嶺嶺上東西有通道卽鉞陘也穆天子傳曰乙酉天子西絕鉞陘西南至鹽是也其水三泉奇發西北流總成一川西逕堯城南又西

南流入汾

又屈從縣南西流

汾水又逕絳縣故城北竹書紀年梁惠成王二十五年絳中地塉西絕於汾汾水西逕虜祁宮北橫水有故梁截汾水中凡有三十柱柱徑五尺裁與水平蓋晉平公之故梁也物在水故能持久而不敗也又西逕魏正平郡南故東雍州治太和中皇都徙洛罷州立郡矣又西逕王橋澮水入焉

又西過長修縣南

汾水又西與古水合水出臨汾縣故城西黃阜下其大

水經注釋
汾水

若輪西南流故溝橫出焉東注於汾今無水又西南逕
魏正平郡北又西逕荀城東古荀國也汲郡古文晉武
公滅荀以賜大夫原氏黯是為荀叔也古水又西南入
於汾汾水又西南逕長修縣故城南漢高帝十一年以
為侯國封杜恬一清按史表曰一云杜恪也有修水出縣南而西南
流入汾汾水又西逕清原城北故清陽亭也城北有清
原晉侯蒐清原作三軍處也汾水又逕冀亭南昔白季
使過冀野見卻缺耨其妻饁之相敬如賓言之文公文
公命之為卿復與之冀京相璠曰今河東皮氏縣有冀
亭古之冀國所都也杜預釋地曰平陽皮氏縣東北有

冀亭即此亭也汾水又西與華水合水出北山華谷西
南流逕一故城西俗謂之梗陽城非也梗陽在榆次非
在此案故漢上谷長史侯相碑云侯氏出自倉頡之後
踰殷歷周各以氏分或著楚魏或顯齊秦晉卿士蔣斯
其裔也食采華陽今蒲坂北亭地即是城也其水西南
流注於汾汾水又逕稷山北在水南四十許里山東西
二十里南北三十里高十三里西去介山一十五里山
上有稷祠山下稷亭春秋宣公十五年秦桓公治兵于
稷以略狄土朱氏謀埠箋曰孫汝澄云按左傳秦桓公伐晉晉侯治兵于稷以略狄土是也
又西過皮氏縣南

汾水西逕鄴邱北故漢氏之方澤也賈逵云漢法三年祭地汾陰方澤澤中有方邱故謂之方澤邱即鄴邱也許慎說文稱從邑癸聲河東臨汾地名矣在介山北山即汾山也其山特立周七十里高三十里文穎言在皮氏縣東南側可三十里乃非也今準此山可高十餘里山上有神廟廟側有靈泉祈祭之日周而不耗世亦謂之子推祠揚雄河東賦曰靈輿安步周流容與以覽于介山嗟文公而愍推兮勤大禹于龍門晉太康記及地道記與永初記竝言子推所逃隱於是山即實非也余按介推所隱者緜山也文公環而封之為介推田號其

山為介山杜預曰在西河界休縣者是也汾水又西逕耿鄉城北故殷都也帝祖乙自相徙此為河所毀故書敘曰祖乙圮于耿杜預曰平陽皮氏縣東南耿鄉是也盤庚以耿在河北迫近山川乃自耿遷亳後晉獻公滅之以封趙夙一清按此注語有病漢志云耿鄉故耿國晉獻公滅之以賜大夫趙夙斯為無弊也後襄子與韓魏分晉韓康子居平陽魏桓子都安邑號為三晉此其一也漢武帝行幸河東濟汾河作秋風辭于斯水之上汾水又西逕皮氏縣南竹書紀年魏襄王十二年秦公孫爰率師伐我圍皮氏翟章率師救皮氏圍疾西風十三年城皮氏者也漢河東太守番係穿渠

引汾水以溉皮氏縣故渠尚存今無水
又西至汾陰縣北西注於河

水南有長阜背汾帶河阜長四五里廣二里餘高十丈
汾水歷其陰西入河漢書謂之汾陰
也汾陰男子公孫祥望氣寶物之精上見祥言之于武
帝武帝于水獲寶鼎焉遷于甘泉宮改其年曰元鼎即
此處也沈氏曰望氣者汾陰男子公孫湯洋上遂立后
土祠于汾陰雖見漢書郊祀志得鼎者汾陰巫
錦上遂改元見史記封禪書自是二事
且公孫湯洋非祥也得鼎于地非水也

澮水出河東絳縣東澮交東高山

澮水東出絳高山亦曰河南山又曰澮山西逕翼城南

按詩譜言晉穆侯遷都于絳暨孫孝侯改絳為翼翼為
晉之舊都也後獻公又北廣其城方二里又命之為絳
故司馬遷史記年表稱獻公九年始城絳都左傳莊公
二十六年晉士蔿城絳以深其宮是也其水又西南合
黑水水導源東北黑水谷西南流逕翼城北右引北川
水出平川南流注之亂流西南入澮水澮水又西南與
諸水合謂之澮交竹書紀年曰莊伯十二年翼侯焚曲
沃之禾而還作一清按作字疑誤為文公也又有賀水東出近
川西南至澮交入澮又有高泉水出東南近川西北趣
澮交注澮又南紫谷水東出白馬山白馬川遁甲開山

圖曰絳山東距白馬山謂是山也西逕熒庭城南而西
 出紫谷與乾河合即教水之枝川也史記白起傳稱起
 涉河取韓安邑東至乾河是也其水西與田川水合水
 出東谿西北至澮交入澮又有女家水出於家谷竹書
 紀年曰莊伯以曲沃叛伐翼公子萬救翼荀叔軫追之
 至于家谷有范壁水出於壁下竝西北流至翼廣城昔
 晉軍北入翼廣以築之因即其姓以名之二水合而為
 全氏曰此處有脫文西北流至澮交入澮澮水又西南與絳水合
 俗謂之白水非也水出絳山東南寒泉奮湧揚波北注
 懸流奔壑一十許丈青崖若點黛素湍如委練望之極

為奇觀矣其水西北流注於澮應劭曰絳水出絳縣西
 南蓋以故絳為言也史記稱智伯率韓魏引水灌晉陽
 不沒者三版智氏曰吾始不知水可以亡人國今乃知
 之汾水可以浸平陽絳水可以浸安邑時韓居平陽魏
 居安邑魏桓子肘韓康子韓康子履魏桓子肘足接于
 車上而智氏以亡魯定公問一言可以喪邦有諸孔子
 以為幾乎余觀智氏之譚矣汾水灌平陽或亦有之絳
 水澆安邑未識所由也資治通鑑周威烈王紀云以汾水灌安邑絳水灌平陽
 陽也胡氏三省注曰水經注曰絳水出絳縣西南蓋以
 故絳為言其水出絳山東西北流而合于澮猶在絳縣
 界中智伯所謂汾水可以灌安邑或亦有之絳水可以
 灌平陽未識所由余謂自春秋之季至于元魏歷年滋

水經注釋 卷六 汾水

多郡縣之離合山川之遷改有不可以一時所睹為據者史記正義曰韓初都平陽今晉州也括地志曰絳水一名白水今名沸泉源出絳山可接引灌平陽城酈道元父範歷仕三齊少長齊地熟其山川後入關死于道未嘗至河東也此蓋因耳學而致疑括地志成于唐之魏王泰羅致天下一時名儒以作此書其考據宜詳當取以爲據一清按梅磻所引酈注與今本全相乖迕閻百詩潛邱劄記曰汾水可以引灌平陽絳水而悟二語具有妙此亦何須說余嘗往來于平陽夏縣而悟二語具有妙解蓋汾水并可以灌安邑至絳水則又錯互舉總見水之可以灌平陽至汾水則又待言交錯互舉總見水之爲害溥爾然梁書韋叡傳卻是我聞汾水可以灌平陽志亦因舊文強爲附會汾水可以灌平陽景范曰括地安邑舊史云汾水在蒲州東十里孟盟橋其上流卽絳互耳又云涑水在蒲州東十里孟盟橋其上流卽絳水自絳縣歷聞喜縣安邑猗氏至臨晉縣界合姚澗渠而西出又西南注于大河俗名陽安澗水經注涑水出雷首山縣北與蒲坂分水是也戰國策絳水可以灌安邑以絳水爲涑水蓋合聞喜河北二涑水爲一今

觀道元注絳水出絳山下流入澮澮入汾汾入河不與涑水合也

西過其縣南

春秋成公元年晉悼公謀去故絳欲居郇瑕魏莊子曰

何氏曰事在成六年非元年晉景公非悼公韓獻子非魏莊子柳子厚晉問魏絳之言曰近寶則公室乃貧自本水經注非不記左氏傳故以示博也

其惡遂居新田又謂之絳卽絳陽也蓋在絳澮之陽漢

高帝六年封越騎將軍華無害爲侯國

元凱成六年故絳注曰晉復命新田爲絳故謂此爲故絳杜蓋以新田爲新絳也酈氏遂用其說然莊二十六年年土葦城絳杜注曰絳晉所都今平陽絳邑縣而新田注又曰今平陽絳邑縣是夫故絳既絳邑而新田同墟杜之釋地殆自相伐且殷人五遷不稱新亳周京屢徙非帶舊幽齊都臨淄便棄薄姑之號楚移湫都豈

水經注釋 卷六

水經注釋 卷六 水經注釋 卷六

仍故郢之思矧絳本非嘉名不過以水氏縣晉人何所
取而三以命都哉又史記越將絳陽侯無害司馬貞考
地理志無絳陽而漢表作終陵則史記之絳陽未足以
證新田也閻氏若璩曰故絳在太平縣南二十五里絳
州之北土人至今呼故晉城新絳去故晉城五十里土
人呼為王官城一清按厄林之說甚辨然究不能名終
陵為何地漢表華毋害孫祿失侯其曾孫於陵大夫告
元康四年詔復家迺知終陵者於陵之訛地理志於陵
濟南郡縣南對絳山面背二水古文瑣語曰晉平公與
齊景公乘至于滄上見乘白驂八駟以來有犬狸身而
狐尾隨平公之車公問師曠對曰首陽之神有犬狸身
狐尾其名曰朱氏謀瑋箋曰名曰一作逢君者飲酒得福則徼之蓋於
是水之上也

又西南過虓祁宮南

宮在新田絳縣故城西四十里晉平公之所構也時有
石言於魏榆晉侯以問師曠曠曰石不能言或憑焉臣
聞之作事不時怨讟動于民則有非言之物言也今宮
室崇侈民力彫盡石言不亦宜乎叔向以為子野之言
君子矣其宮地背汾面滄西則兩川之交會也竹書紀
年曰晉出公五年滄絕於梁即是水也

又西至王澤注於汾水

晉智伯瑤攻趙襄子襄子奔保晉陽原過後至遇三人
於此澤自帶以下不見持竹二節與原過曰為我遺無
郵原過受之於是澤所謂王澤也

勝皆封周陽索隱皆以為陽周然考周陽由以周陽侯受姓則非陽周矣恐是索隱之誤善長所云足以正史表之失也一清按外戚世家索隱曰周陽縣名屬魏郡是又一說也尋地理志無之故不足為據又按趙兼以淮南王舅封而厲王子賜亦封周陽後以侯立為廬江王則其地當在九江廬江境內而今不可攷矣

水西逕董澤陂南即古池東西四里南北三里春秋文

公六年蒐于董澤即斯澤也何氏曰左傳作蒐于董杜元凱注云汾陰縣有董亭

宣十二年傳董澤之蒲注云澤名河東聞喜縣東凍水

又與景水合水出景山北谷山海經曰景山南望鹽販之澤北望少澤其草多藟萹秦椒其陰多楮其陽多玉郭景純曰鹽販之澤即解縣鹽池也按經不言有水今有水焉西北流注於涑水也

又西南過其縣南

涑水又西逕仲邨一清按三字疑有誤趙氏琦美曰小學書無邨字疑是郭字亦未有

據說文高陵有邨徒北又西逕桐鄉城北竹書紀年曰

翼侯伐曲沃大捷武公請成于翼至桐庭乃返者也漢

書曰漢武帝元鼎六年將幸緱氏至左邑桐鄉聞南越

破以為聞喜縣者也涑水又西與沙渠水合水出東南

近川西北流注於涑水涑水又西南逕左邑縣故城南

故曲沃也晉武公自晉陽徙此全氏曰按晉穆侯自晉

沃善長秦改為左邑縣詩所謂從子于鵠者也春秋傳

曰下國有宗廟謂之國在絳曰下國矣即新城也王莽

之洮亭也涑水自城西注水流急濬輕津無緩故詩人
以為激揚之水言不能流移束薪耳水側即狐突遇申
生處也春秋傳曰秋狐突適下國遇太子太子使登僕
曰夷吾無禮吾請帝以畀秦對曰神不歆非類君其圖
之君曰諾請七日見我於新城西偏及期而往見於此
處故傳曰鬼神所憑有時而信矣涑水又西逕王官城
北城在南原上春秋左傳成公十三年四月晉侯使呂
相絕秦曰康猶不悛入我河曲伐我涑川俘我王官故
有河曲之戰是矣今世人猶謂其城曰王城也

又西南過安邑縣西

安邑禹都也禹娶塗山氏女思戀本國築臺以望之今
城南門臺基猶存余按禮天子諸侯臺門隅阿相降而
已未必一如書傳也故晉邑矣春秋時魏絳自魏徙此
昔文侯縣師經之琴於其門以為言戒也武侯二年又
城安邑蓋增廣之秦昭皇使左更白起取安邑置河東
郡王莽改名洮陽全氏曰洮陽當作洮隊乃巨君六隊
之一今本漢志亦誤以莽傳考之則
知善長所見之縣曰河東也有項曼都學道昇仙忽復
漢書亦已誤矣還此河東號曰斥仙漢世又有閔仲叔隱遁市邑罕有

知者後以識瞻而去涑水又西南逕監鹽縣故城按一清

漢書靈帝紀熹平四年遣守宮令之鹽監穿渠為民興
利章懷注曰前漢地理志及續漢郡國志並無鹽監今

蒲州安邑縣西南有鹽池鹽監即監鹽城也城南有鹽池上承鹽水水出東

南薄山西北流逕巫咸山北地理志曰山在安邑縣南

海外西經曰巫咸國在女丑北右手操青蛇左手操赤

蛇在登葆山羣巫所從上下也大荒西經云大荒之中

有靈山巫咸巫即巫盼巫彭巫姑巫貞巫孔巫抵巫謝

巫羅一清按山海經巫貞作巫真巫孔作巫禮禮本書作礼形似孔字然寰宇記引注文亦作孔字是宋初本已如是矣十巫從此升降百藥爰在郭景純曰言羣巫上

下靈山採藥往來也蓋神巫所遊故山得其名矣谷口

嶺上有巫咸祠其水又逕安邑故城南又西流注於鹽

池地理志曰鹽池在安邑西南許慎謂之鹽鹽長五十

里廣六里周一百一十四里從鹽省古聲呂忱曰宿

沙煮海謂之鹽河東鹽池謂之解鹽今池水東西七十

里南北十七里紫色澄渟渾而不流水出石鹽自然印

成朝取夕復終無減損唯水暴雨澍甘潦奔洑則鹽池

用耗故公私共竭水徑防其淫濫故謂之鹽水亦為竭

水也故山海經謂之鹽販之澤也澤南面層山天巖雲

秀地谷泉深左右壁立間不容軌謂之石門路出其中

名之曰徑南通上陽北暨鹽澤一清按解州有白徑嶺路通陝州大陽津渡志云由檀道山陡徑出白徑嶺趨陝州即石門百梯之險也注所云名之曰徑者也池西又有一

池謂之女鹽澤東西二十五里南北二十里在猗氏故

水經主壘

卷六

三

城南春秋成公六年晉謀去故絳大夫曰郇瑕地沃饒
近鹽服虔曰土平有漑曰沃鹽鹽池也土人鄉俗引裂
沃麻分灌川野畦水耗竭土自成鹽卽所謂鹹鹺也而
味苦號曰鹽田鹽鹽之名始賚是矣本司鹽都尉治領
兵一千餘人守之周穆王漢章帝竝幸安邑而觀鹽池
故杜預曰猗氏有鹽池後罷尉司分猗氏安邑置縣以
守之

又南過解縣東又西南注於張陽池

涑水又西逕猗氏縣故城北春秋文公七年晉敗秦于
令狐至于刳首先蔑奔秦士會從之闕駟曰令狐旣猗

氏也刳首在西三十里縣南對澤卽猗頓之故居也孔
叢曰猗頓魯之窮士也耕則常飢桑則常寒聞朱公富
往而問術焉朱公告之曰子欲速富當畜五特於是乃
適西河大畜牛羊于猗氏之南十年之間其息不可計
賞擬王公馳名天下以興富於猗氏故曰猗頓也涑水
又西逕郇城詩云郇伯勞之蓋其故國也杜元凱春秋
釋地云今解縣西北有郇城服虔曰郇國在解縣東郇
瑕氏之墟也余按竹書紀年云晉惠公十有五年
十四年說秦穆公率師送公子重耳圍令狐桑泉曰衰
見河水篇皆降於秦師狐毛與先軫禦秦至于廬柳
全氏曰狐毛與子犯兄弟

竝從文公其父突以此死如何反為子圍禦秦乃謂秦師即竹書之繆甚矣董愷曰其時晉將為呂御穆公使公子繫來與師言退舍次于郇盟于軍京相璠春秋土地名曰桑泉曰衰竝在解東南不言解明不至解可知春秋之文與竹書不殊今解故城東北二十四里有故城在猗氏故城西北鄉俗名之為郇城考服虔之說又與俗符賢于杜氏單文孤證矣涑水又西南逕解縣故城南春秋晉惠公因秦返國許秦以河外五城內及解梁即斯城也涑水又西南逕瑕城晉大夫詹嘉之故邑也顧氏炎武曰知錄曰晉有二瑕其一左傳成公六年諸大夫皆曰必居郇瑕之地杜氏曰郇瑕古國名水經注涑水又西南逕瑕城京相璠曰今河東解縣西南五里有故瑕城是也在今之臨晉縣境

其一僖公三十年燭之武見秦伯曰許君焦瑕朝濟而夕設版焉解焦瑕晉河外五城之二邑文公十二年晉人秦人戰于河曲秦師夜遁復侵晉入瑕解以河曲在河東蒲坂縣南則瑕必在河外十三年晉侯使詹嘉處瑕以守桃林之塞按漢書地理志湖故曰胡武帝建元二年更名湖水經河水又東逕湖縣故城北古瑕胡二字通用禮記引詩心乎愛矣瑕不謂矣鄭氏注云瑕之言胡也瑕胡音同故記用其字是瑕轉為胡又改為湖而瑕邑即桃林之塞也今為閿鄉縣治成公十三年伐秦成肅公卒于瑕亦此地也道元以郇瑕之瑕為詹嘉之邑春秋僖公三十年秦晉圍鄭鄭伯使燭之武謂秦穆公曰晉許君焦瑕朝濟而夕設版者也京相璠曰今河東解縣西南五里有故瑕城涑水又西南逕張陽城東竹書紀年齊師逐鄭太子齒奔張城南鄭者也漢書之所謂東張矣高祖二年曹參假左丞相別與韓信東

水經注卷六 汾水
攻魏將孫林遯全氏曰史記無林字軍東張大破之蘇林曰屬河東卽斯城也涑水又西南屬于陂陂分爲二城南面兩陂左右澤渚東陂世謂之晉興澤東西二十五里南北八里南對鹽道山其西則石壁千尋東則礮谿萬仞方嶺雲迴奇峯霞舉孤標秀出罩絡羣山之表翠柏蔭峯清泉灌頂郭景純云世所謂鴛漿也發于上而潛于下矣厥頂方平有良藥神農本草曰地有固活女疎銅芸紫苑之族也是以緇服思元之士鹿裘念一之夫代往遊焉路出北巘勢多懸絕來去者咸援蘿騰壑尋葛降深於東則連木乃涉百梯方降巖側縻鎖之跡仍今存

焉故亦曰百梯山也水自山北流五里而伏云潛通澤渚所未詳也西陂卽張澤也西北去蒲坂一十五里東西二十里南北四五里冬夏積水亦時有盈耗也

文水出大陵縣西山文谷東到其縣屈南到平陶縣東北

東入於汾

文水逕大陵縣故城西

一清按善長不記文水之所出而去逕大陵縣故城西蓋率筆

也太平寰宇記云出交城縣西南文谷大陵縣故城在文水縣北十三里發源此城流入文水縣界文水縣隋開皇十年置因而南流有泌水注之水出縣西南山下

武氏穿井給養井至幽深後一朝水溢平地東南注文水又南逕平陶縣之故城東西逕其城內南流出郭王

水經注卷之六 汾水
莽更曰多穰也文水又南逕縣右會隱泉水出謁泉
山之上頂俗云賜雨愆時是謁是禱故山得其名非所
詳也其山石崖絕險壁立天固崖半有一石室去地可
五十餘丈爰有層松節巖列柏綺望唯西側一處得歷
級升陟頂上平地一十許頃沙門釋僧光表建二刹泉
發於兩寺之間東流瀝石沿注山下又東津渠隱沒而
不恆流故有隱泉之名矣兩澤豐澍則通入文水又南
逕茲氏縣故城東爲文湖東西一十五里南北三十里
世謂之西河泊在縣直東一十里湖之西側臨湖又有
一城謂之豬城水澤所聚謂之都亦曰豬蓋卽水以名

城也文湖又東逕中陽縣故城東按晉書地道記太康
地記西河有中陽城舊縣也文水又東南流與勝水合
水出西狐岐之山東逕六壁城南魏朝舊置六壁於其
下防離石諸胡因爲大鎮太和中罷鎮仍置西河郡焉
勝水又東合陽泉水出西山陽谿東逕六壁城北又東
南流注於勝水勝水又東逕中陽縣故城南又東合文
水文水又東南入於汾水也

原公水出茲氏縣西羊頭山東過其縣北

縣故秦置也漢高帝更封沂陽侯嬰爲侯國

全氏曰沂陽是夏侯

嬰初封而食邑茲氏非封國也更封是汝陰王莽之茲同也魏黃初二年置

水經注釋 卷六 原公水 八川

西河郡西河恭王司馬子盛廟碑文云西河舊處山林

漢末擾攘百姓失所魏興更開疆宇分割太原四縣以

為邦邑全氏曰西河本漢郡建安之亂空荒其土黃初

復立而割太原之地以隸之攷晉志太原郡統

縣十三皆漢之舊所少者界休茲氏慮虜三縣碑云分

割四縣蓋破三為四也晉志西河郡統縣四離石隰城

中陽介休其三縣又皆是漢西河郡故縣名其郡帶山

側塞矣王以咸甯四年改命爵土其年十二月喪國臣

大農閻崇離石令宗羣等二百三十四人刊石立碑以

述勳德碑北廟基尙存也一清按此碑文多與史異晉

書云西河繆王斌字子政魏中郎武帝受禪封陳王三

年改封西河咸甯四年薨其薨年與碑同而改封之歲

碑在四年傳在三年傳云字子政碑云子盛傳

云謚繆碑云謚恭善長親見其碑或是史誤

又東入於汾

水注文湖不至汾也一清按原公水即洞渦水篇注之

原過水魏書地形志所謂出原過

祠下者也善長

蓋失于分疏

洞渦水出沾縣北山

其水西流與南谿水合水出南山西北流注洞渦水又

西北黑水出西山三源合舍同歸一川東流南屈逕受

陽縣故城東按晉太康地記樂平郡有受陽縣盧諶征

艱賦所謂歷受陽而總轡者也其水西南入洞渦水又

西蒲水南出蒲谷北流注之於洞渦又西與原過水合

近北便水源也水西阜上有原過祠蓋懷道協靈受書

水經注釋 卷六 原公水 八川

水經注釋

原公水 洞渦水

卷六

XXX

天使憂結宿情傳芳後日棟宇雖淪橫木猶茂故層巖水取名焉其水南流注於洞渦水也

西過榆次縣南又西到晉陽縣南

榆次縣故涂水鄉晉大夫智徐吾之邑也春秋昭公八年晉侯築虎祁之宮有石言晉之魏榆服虔曰魏晉邑榆州里名也漢書曰榆次十三州志以為涂陽縣矣王莽之太原亭也縣南側水有鑿臺韓魏殺智伯瑤於其下刳腹絕腸折頸摺頤處也厄林曰史記智伯醉以酒灌擊毋卹又豫讓傳襄子怨智伯漆其頭以為飲器乃知漆頭之謔實報灌首之辱諸家解同虎子已屬麗言而水經注曰韓魏殺智伯刳腹絕腸折頸摺頤處也蓋所未聞尋史記及新序載黃歇上秦王書曰智氏信韓魏從而伐趙韓魏叛之殺

智伯瑤于鑿臺之下又曰韓魏父子兄弟接踵而死于秦者十世社稷壞宗廟隳刳腹絕腸折頸摺頤身自分離暴骨于草澤此春申極言韓魏之怨秦而鄆氏誤以為智伯見屠之酷可謂疏鹵矣其水又西

南流逕武觀城西北盧諶征艱賦曰逕武館之故鄆間

厥塗之遠近洞渦水又西南為涪湖謂之洞湖津而涂

水注之水出陽邑東北大嶸山涂谷西南逕蘿磨亭南

與蔣谷水合水出縣東南蔣谿魏土地記曰晉陽城東

南一百一十里至山有蔣谷大道度軒車嶺通于武鄉

水自蔣谿西北流西逕箕城北春秋倍公三十三年晉

人敗狄于箕杜預釋地曰城在陽邑南水北即陽邑縣

故城也竹書紀年曰梁惠成王九年與邯鄲榆次陽邑

水經注釋

洞渦水

晉水

者也王莽之繁穰矣蔣谿又西合涂水亂流西北入洞

渦澤也

西入於汾

出晉水下口者也劉琨之為并州也劉淵引兵邀擊之

合戰于洞渦卽是水也一清按晉書劉曜攻晉陽劉琨使張喬拒之戰于武灌喬敗死

晉陽太守高鯤等皆降琨屯榆次與左右數十騎攜妻子奔趙郡遂如常山鄴以為琨與劉淵戰誤也

晉水出晉陽縣西縣壺山

縣故唐國也春秋左傳稱唐叔未生其母邑姜夢帝謂已曰余名而子曰虞將與之唐屬之參及生名之曰虞呂氏春秋曰叔虞與成王居王援桐葉為珪以授之曰

吾以此封汝虞以告周公周公請曰天子封虞乎王曰

余戲耳公曰天子無戲言時唐滅乃封之於唐縣有晉

水後改名為晉故子夏敘詩稱此晉也而謂之唐儉而

用禮有堯之遺風也晉書地道記及十三州志竝言晉

水出龍山一云出結紉山在縣西北非也山海經曰縣

壺之山晉水出焉今在縣之西南昔智伯遏晉水以灌

晉陽其川上游後人踵其遺蹟蓄以為沼沼西際山枕

水有唐叔虞祠方輿紀要云臺駘驛在太原縣南十里即晉澤也舊為晉水匯流處蒲魚所鍾

水經注晉祠南有難老善利二泉大旱不涸隆冬不凍溉田百餘頃又有泉出祠下曰滴瀝泉其泉導流為晉

水瀦為晉澤今本無之水側有涼堂結飛梁於水上左右雜樹交

水經注釋 卷六 汾水
陰希見曦景至有淫朋密友羈遊宦子莫不尋梁契集
用相娛慰於晉川之中最為勝處

又東過其縣南又東入於汾水

沼水分爲二派北瀆卽智氏故渠也昔在戰國襄子保
晉陽智氏防山以水之城不沒者三版與韓魏望歎於
此故智氏用亡其瀆乘高東北注入晉陽城以周圍溉
漢末赤眉之難郡掾劉茂負太守孫福匿於城門西下
空穴中其夜奔孟卽是處也東南出城流注於汾水也
其南瀆於石塘之下伏流逕舊谿東南出逕晉陽城南
城在晉水之陽曰晉陽矣經書晉荀吳帥師敗狄于大

鹵杜預曰大鹵晉陽縣也爲晉之舊都春秋定公十三
年趙鞅以晉陽叛後乃爲趙矣其水又東南流入於汾
瀆水出河內軹縣西北山

瀆水出軹縣南原瀆谿俗謂之須水也

全氏曰先司空曰須讀作須

是蓋聲畫鄰故字讀俱變同于三豕之誤耳其水自谿
又南流

東過其縣北又東過波縣之北

瀆水南逕向城東而南注

又東過毋辟邑南

原經所注斯乃溴川之所由非瀆水之間關也是經之

水經注釋卷六終
誤證耳湛水自向城東南逕湛城東時人謂之湛城亦
或謂之隰城矣谿曰隰澗隰城在東言北非矣後漢郡
國志曰河陽縣有湛城是也

又東南當平陰縣之東北南入於河

湛水又東南逕鄧南流注於河故河濟有鄧津之名矣

水經注釋卷六終

海甯錢保塘
華陽吳祖椿
覆校

水經注釋卷七

仁和趙一清
誠夫錄

濟水一

濟水出河東垣縣東王屋山為沔水

山海經曰王屋之山聯水出焉西北流注於秦澤郭景
純云聯沈聲相近沈即濟也潛行地下至共山南復出
於東邱今原城東北有東邱城孔安國曰泉源為沔流
去為濟春秋說題辭曰濟齊也齊度也貞也風俗通曰
濟出常山房子縣贊皇山廟在東郡臨邑縣濟齊其度
量也余按二濟同名也所出不同鄉源亦別斯乃應氏

之非矣

一清按漢書地理志河東郡垣縣禹貢導沅水文俱作

沛字又常山郡房子縣贊皇山石濟水所出說文云沛

沈也東入海又云濟水出常山房子贊皇山東入沅漢

人學有師承孟堅地志叔重說文九精覈謹嚴千古取

證應仲瑗始誤以出常山之濟為四瀆之沛善長非之

是矣而猶云二濟同名未免騎牆之見也江南徐鍇撰

說文繫傳通釋云漢書房子縣贊皇山濟水所出東至

慶陶入沅此非四瀆之濟四瀆之濟古皆作沛今人多

亂之又云沛水今多作濟故與常山濟水相亂此則四

瀆之沛楚金辨沛濟二字可謂了了足以證明孟堅而

羽翼叔重然不云常山石濟而單云常山濟水猶有所

蔽乃元吳澄書纂言云導水章所敘冀州之濟兖州之

濟實一水也濟沛二字通用說文因二字而以北濟南

全不考水道之源委宋於自信輕毀古義厚誣前哲如

此唐徐堅初學記云二濟既南北異岸相去亦踰千里

渠雖習尚詞章尚能別白不似草廬解經反致淆亂也

今濟水重源出溫城西北平地水有二源東源出原城

東北昔晉文公伐原以信而原降即此城也俗以濟水

重源所發因復謂之濟源城其水南逕其城東故縣之

原鄉杜預曰沁水縣西北有原城者是也南流與西源

合西源出原城西東流水注之水出西南東北流注於

濟濟水又東逕原城南東合北水亂流東南注分為二

水一水東南流俗謂之為衍水即沅水也衍沅聲相近

傳呼失實也濟水又東南逕郟城北而出於溫矣其一

水枝津南流注於溟水出原城西北原山勳掌谷俗謂

之為白澗水南逕原城西春秋會于溟梁謂是水之墳

梁也爾雅曰梁莫大于溟梁梁水堤也溟水又東南逕

陽城東與南源合水出陽城南溪陽亦樊也一日陽樊
 國語曰王以陽樊賜晉陽人不服文公圍之倉葛曰陽
 有夏商之嗣典樊仲之官守焉君而殘之無乃不可乎
 公乃出陽人春秋樊氏叛惠王使虢公伐樊執仲皮歸
 于京師卽此城也其水東北流與漫流水合水出軹關
 南東北流又北注於湨謂之漫流口湨水又東合北水
 亂流東南左會濟水枝渠湨水又東逕鍾繇塢北世謂
 之鍾公壘又東南塗溝水注之水出軹縣西南山下北
 流東轉入軹縣故城中又屈而北流出軹郭漢文帝元
 年封薄昭爲侯國也又東北流注於湨湨水又東北逕

波縣故城北

漢高帝封公上不害爲侯國

一清按史表作波侯漢表

作汲侯索隱曰波與汲並縣名屬河內蓋莫能定也善長從史表書之

湨水又東南流天

漿澗水注之水出軹南舉向城北城在舉上俗謂之韓
 王城非也京相璠曰或云今河內軹西有城名向今無
 杜元凱春秋釋地亦言是矣蓋相襲之向故不得以地
 名而無城也闕駟十三州志曰軹縣南山西曲有故向
 城卽周向國也傳曰向姜不安于莒而歸者矣全氏曰按左傳
盟向之向在周圻內杜所云軹縣者也 汲郡竹書紀年
向姜之向地在莒州善長誤合爲一 曰鄭侯使韓辰歸晉陽及向二月城陽向更名陽爲河
 雍向爲高平卽是城也其水有二源俱導各出一溪東

北流合為一川名曰天漿溪又東北逕一故城俗謂之
冶城水亦曰冶水又東流注於溟溟水又東南流右會
同水水出南原下東北流逕白騎塢南塢在原上為二
谿之會北帶深隍三面岨嶮唯西版築而已東北流逕
安國城西又東北注溟水溟水東南逕安國城東又南
逕母辟邑西世謂之無比城亦曰馬髀城皆非也朝廷
以居廢太子謂之河陽庶人也溟水又南注於河也

又東至溫縣西北為濟水又東過其縣北

濟水於溫城西北與故瀆分南逕溫縣故城西周畿內
國司寇蘇忿生之邑也春秋僖公十年狄滅溫溫子奔

衛周襄王以賜晉文公濟水南歷虢公臺西皇覽曰溫
城南有虢公臺基趾尚存濟水南流注於河郭緣生述

征記曰濟出河內溫縣注於河蓋沿歷之實證非為謬
說也濟水故瀆於溫城西北東南出逕溫城北又東逕

虢公冢北皇覽曰虢公冢在溫縣郭東濟水南大冢是
也濟水當王莽之世川瀆枯竭其後水流逕通津渠勢

改尋梁脈水不與昔同

通典曰詳水經所作殊為詭誕全無憑據按後漢郡國志濟水

王莽末因旱渠塞不復截河南過既順帝時所撰郡國志悉其餘可知景純注解又甚疎略又曰按後漢郡國志曰因王莽末旱此渠枯竭濟但入河而已不復截流而南水經是和帝以後所撰乃云南過滎陽封邱冤句乘氏等縣並今縣地一依尚書禹貢舊道斯不詳之甚酈道元又從而注之其所纂序及注解並大紕繆一清

水經注卷之七
按杜氏兩言濟水一水經及注之失一在雍州風俗下一
在荊州河南府濟源縣下然以經為和帝後所撰又云
順帝時撰注則云景純又云道元何無定見也禹貢錐
指濁河所侵北之濟蓋因旱而枯旱止則復出河之濟
漢以迄唐初凡行濟者皆謂之杜氏力詆水經曰濟是
鵲巢而鳩居故道猶可圍實也故杜氏力詆水經曰濟是
不可信然補黃文叔云濟水雖入於其瀆猶在雖八則此書
穿鑿變易或斷或續然水之附蓋得其平又曰濟瀆之
緝之周以存禹迹非無理也斯言及導榮為川則榮與濟合
鴻溝既開榮瀆為河所亂及榮澤又塞則榮與濟合
水矣汴渠不通則野以榮澤之水其號為戴村已築則
東阿以下所行唯山泉溝澤之水其號為戴村已築則
而巳水經所敘瀆同禹迹異故李憲云河南無
濟水瀆同故黃文叔云禹迹異故李憲云河南無
有所當今與人論濟水苟以爲無則據杜佑之說水經不
小清河以相難若以爲有則又據杜佑之說水經不
當襲舊名爲濟明道謂與公言如扶醉人扶得一邊起

又倒卻一邊真可笑又可憎也古文尙書疏證又為之
解曰濟水當王莽時大旱遂枯絕不復截河南過者晉
初司馬彪之言也雖經枯竭其後魏鄴道元之流逕通
尋梁以折水經謂濟渠既塞都詳悉其餘可知余讀
之璞山海經注而歎未足服陳留至濟陰則璞固
有言矣今濟水自滎陽卷東經陳留至濟陰則璞固
至高平東北經濟南至樂安博昌縣入海與禹時濟瀆
所經河南之道無異蓋枯而復通者所謂津渠勢改昔
則自號公臺東入河出在敖倉之東南今改流自號公
臺而西入河出亦非故處與禹時濟瀆無異蓋枯而復
分而爲二爲碧山與潛邱或禹時濟瀆無異蓋枯而復
注者憶初碧山與潛邱或禹時濟瀆無異蓋枯而復
大旱遂枯絕是河南無濟今且千六七十餘年矣何
酈道元言之詳且析也子鴻曰新莽時雖枯後復見酈
氏所謂其後水通津渠勢改尋梁脈水不與昔同
是也祇緣杜君卿不信水經專憑司馬彪志竊以爲同
不過記一時之災變耳非謂永截河南過也君卿云
云遂真覺河南無濟疑誤到今尙有宗主其說者余曰
枯而復通既聞命矣敢問除酈注外抑別有徵乎子鴻

日未聞余退而考杜預釋例云濟水自滎陽卷縣東逕
陳雷至濟陰北經高平至濟北東北經濟南至樂安
安博昌縣入海郭璞山海經注云平東北濟水自滎陽卷縣
東經陳雷至濟陰北經高平至濟北東北經濟南至樂安
博昌縣入海張湛列子注云濟水出王屋山為滎澤又經
濟陰等九郡而入海稗史云里南渡河為滎澤又經
復難余今郡不見河有濟畢竟復枯于何代余復考得
後漢書王景傳濟渠下章懷注云濟水出今洛州濟源
縣西北東流經溫縣入河渡河東南入鄭州又東入滑
曹鄆濟齊青等州入海即此渠也王莽未旱因枯涸但
入河內而已似不知中有復通之事合以許敬宗對高
宗濟水潛流屢絕是唐以前濟已復枯直至今矣又
曰有問濟水枯而復通畢竟在何時曰考王景傳曰
初平帝時河汴決壞未及得修武十年許縣後三
十五年汴渠成明帝巡行下詔曰河汴分流復其舊迹
陶邱之北漸就壞墳此汴壤而濟亦壞汴治而濟亦治
之徵也又考晉書傅祗傳武帝時為滎陽太守自魏黃
初大水後河濟汎濫鄧艾嘗著濟河論開石門而通之

至是復侵壞祗乃造沈菜堰充豫無水患郗超傳太和
中桓溫將伐慕容氏引軍自濟入河超諫曰清水入河
無通運理毛穆之傳溫使穆之鑿鉅野百餘里引汶會
于濟此豈竟枯絕者哉大抵王莽世天災雖甚然皆不
遠而復班注云蓋以目驗者言也祗緣司馬彪下語
太重若改遂枯絕為曾枯絕則妙矣潛邱東樵之言明
白如此足以祛君卿之惑其無累于桑扈也明矣又孔
穎達左傳正義曰按檢水流之道今古或殊杜既考校
元由據當時所見載於釋例今一皆依杜雖與水經乖
異亦不復根尋也觀此則亦不以濟水為竟枯絕也
屈從縣東南流過隕城西又南當鞏縣北南入於河

濟水故瀆東南合奉溝水水上承朱溝於野王城西東
南逕陽鄉城北又東南流逕李城西秦攻趙邯鄲且降
傳舍吏子李同說平原君勝分家財饗士得敢死者三
千人李同與赴秦軍秦軍退同死封其父為李侯故徐

廣曰河內平臯縣有李城即此城也於城西南為陂水
淹地百許頃蒹葭萑葦生焉號曰李陂又逕隕城西屈
而東北流逕其城北又東逕平臯城南應劭曰邗侯自
襄國徙此當齊桓公時衛人伐邗邗遷于夷儀其地屬
晉號曰邗邱以其在河之臯處勢平夷故曰平臯瓚注
漢書云春秋狄人伐邗邗遷夷儀不至此也今襄國西
有夷儀城去襄國百餘里邗是邱名非國也余按春秋
宣公六年赤狄伐晉圍邗邱昔晉侯送女于楚送之邗
邱即是此處也非無城之言一清按師古亦
日應說非也竹書紀年
曰梁惠成王三年鄭城邗邱司馬彪後漢郡國志云縣

有邗邱故邗國周公子所封矣漢高帝六年沈氏曰封
是七年
碭郡長項佗為侯國賜姓劉氏武帝以為縣其水又南
注於河也

與河合流又東過成臯縣北又東過滎陽縣北又東北至
礫磧南東出過滎澤北

釋名曰濟濟也源出河北濟河而南也晉地道志曰濟
自大伾入河與河水鬪南洑為滎澤尚書曰滎波既豬
孔安國曰滎澤波水以成邊豬闕駟曰滎嶧澤名也故

呂忱曰嶧水在滎陽謂是水也一清按滎嶧之嶧當作
播禹貢錐指曰滎波既
豬史記作播漢書作波閻百詩云馬鄭王本竝作播播
是澤名不從山作嶧可知也又說文潘水名在河南滎

水經注卷之七

陽從水番聲普官切不謂叔重有此大昔大禹塞其淫

水而於滎陽下引河東南以通淮泗禹貢錐指曰河與滎瀆相亂其來已久而滎澤在西漢時依然無恙故班固云濟水軼出滎

陽北地中謂滎澤也至東漢乃塞為平地酈道元云云夫滎澤何以謂之淫水經曰滎波既豬禹方陂之以蓄

其水何以塞之誕妄不足深辨全氏曰以鴻溝為禹迹善長之繆也而

張珣等宗之濟水分河東南流漢明帝之世司空伏

恭薦樂浪人王景字仲通好學多藝善能治水顯宗詔

與謁者王吳始作浚儀渠吳用景法水乃不害此即景

作所修故瀆也渠流東注浚儀故復謂之浚儀渠也明

帝永平十五年東巡至無鹽帝嘉景功拜河隄謁者漢

靈帝建甯四年於敖城西北壘石為門以遏渠口謂之

石門故世亦謂之石門水門廣十餘丈西去河三里石

銘云建甯四年十一月黃場石也而主吏姓名磨滅不

可復識魏太和中又更修之撤故增新石字淪落無復

在者水北有石門亭戴延之所云新築城城周三百步

滎陽太守所鎮者也水南帶三皇山即皇室山亦謂之

為三室山也濟水又東逕西廣武城北郡國志滎陽縣

有廣武城城在山上漢所城也高祖與項羽臨絕澗對

語責羽十罪羽射漢祖中胸處也山下有水北流入濟

世謂之柳泉也濟水又東逕東廣武城北楚項羽城之

漢破曹咎羽還廣武為高俎置太公其上曰漢不下吾

水經注卷之九 濟水一
烹之高祖不聽將害之項伯曰爲天下者不顧家但益
怨耳羽從之今名其壇曰項羽堆夾城之間有絕澗斷
山謂之廣武澗項羽叱婁煩於其上婁煩精魄喪歸矣
濟水又東逕敖山北詩所謂薄狩于敖者也其山上有
城卽殷帝仲丁之所遷也皇甫謐帝王世紀曰仲丁自
亳徙囂于河上者也或曰敖矣秦置倉於其中故亦曰
敖倉城也濟水又東合滎瀆瀆首受河水有石門謂之
爲滎口石門也而地形殊卑蓋故滎播所導自此始也
門南際河有故碑云惟陽嘉三年二月丁丑使河隄謁
者王誨疏達河川遂荒庶土云大河衝塞侵齧金堤以

竹籠石葺葺土而爲埽壞隕無已功消億萬請以濱河
郡徒疏山采石壘以爲障功業旣就徭役用息辛未詔
書許誨立功府卿規基經始詔策加命遷在沈州乃簡
朱軒授使司馬登令纘茂前緒稱遂休功登以伊洛合
注大河南則緣山東過大伾回流北岸其勢鬱濛濤怒
湍急激疾一有決溢彌原淹野蟻孔之變害起不測蓋
自姬氏之所常蹙昔崇鮫所不能治我二宗之所劬勞
於是乃跋涉躬親經之營之比率百姓議之于臣伐石
三谷水匠致治立激岸側以捍鴻波隨時慶賜說以勸
之川無滯越水土通演役未踰年而功程有畢斯乃元

勳之嘉課上德之宏表也昔禹修九道書錄其功后稷躬稼詩列于雅夫不憚勞謙之勤夙興厥職充國惠民安得湮沒而不章焉故遂刊石記功垂示於後其辭云云使河隄謁者山陽東緡司馬登字伯志代東萊曲成王誨字孟堅河內太守宋城向豹字伯尹丞汝南鄧方字德山懷令劉丞字季意河隄掾匠等造陳畱浚儀邊韶字孝先頌石銘歲遠字多淪缺其所滅蓋闕如也滎瀆又東南流注於沛今無水次東得宿胥水口水受大河渠側有扈城亭水自亭東南流注於濟今無水宿胥在河之北不在此也蓋名同耳自西緣帶山陞秦漢以

來亦有通否濟水與河渾濤東注晉太和中桓溫北伐將通之不果而還義熙十三年劉公西征又命甯朔將軍劉遵考仍此渠而漕之始有激湍東注而終山崩壅塞劉公於北十里更鑿故渠通之今則南瀆通津川澗是導耳濟水於此又兼邲目春秋宣公十二年晉楚之戰楚軍於邲卽是水也音卞全氏曰二字注中注京相璠曰在敖北濟水又東逕滎陽縣北曹太祖與徐榮戰不利曹洪授馬於此處也濟水又東南礫磎水注之水出滎陽城西南李澤澤中有水卽古馮池也地理志曰滎陽縣馮池在西南是也東北流歷敖山南春秋晉楚之戰設伏

于敖前謂是也逕號亭北池水又東北逕滎陽縣北斷

山東北注於濟世謂之礫石澗即經所謂礫礫矣經云

濟出其南非也濟水又東索水注之水出京縣西南嵩

渚山與東關水同源分流即古旃然水也其水東北流

器難之水注之山海經曰少陘之山器難之水出焉而

北流注於侵水一清按山海經作侵即此水也其水北

流逕金亭又北逕京縣故城西入於旃然之水城故鄭

邑也莊公以居弟段號京城太叔祭仲曰京城過百雉

國之害也一清按傳文是都城此句是祭仲泛言先生

直改都城建侯之制故曰都城道元刪去今京不度句為京城也城北有壇山趙世家成侯二十年魏獻滎

陽因以為壇臺沈氏曰史記魏獻榮椽趙因以為

非岡也善長不知何以有此誤考檀臺在襄國見于續

漢志而滎陽乃韓地後之為滎陽圖經者因造為檀山

益更繆矣其水亂流北逕小索亭西京相璠曰京有小

索亭世語以為本索氏兄弟居此故號小索者也又為

索水索水又北逕大柵城東晉滎陽民張卓董邁等遭

荒鳩聚流雜堡固名為大柵塢至太平真君年潁州刺

史崔白自虎牢移州治此全氏曰按太平真君下脫

年滎陽省併屬縣則移治或字魏書地形志太平真君八

在是年但是豫州非潁州也又東開廣舊城創制改築

焉太和十七年遷都洛邑省州置郡全氏曰按胡三省

北豫州置東中府非郡也郡固先州置亦非十七年索水又屈而西流與梧桐澗

水經注釋

卷七

七

水合水出西南梧桐谷東北流注於索斯水亦時有通塞而不常流也索水又北屈東逕大索城南春秋傳曰鄭子皮勞叔向於索氏卽此城也晉地道志所謂京有大索小索亭漢書京索之間也索水又東逕號亭南應劭曰滎陽故號公國也今號亭是矣司馬彪郡國志曰縣有號亭俗謂之乎眺城全氏曰按乎眺六朝時曰平乎又變而爲平而眺見魏書蓋號脫其半爲乎眺又轉而爲桃也城內有大家名管叔冢或亦謂之爲號眺城非也蓋號號字相類字轉失實也風俗通曰俗說高祖與項羽戰於京索遁於薄中羽追求之時鳩止鳴其上追之者以爲必無人遂得脫及卽位異此鳩故

作鳩杖以扶老案廣志楚鳩一名嗥啁號眺之名蓋因鳩以起目焉所未詳也索水又東北流須水右入焉水近出京城東北二里榆子溝亦曰柰榆溝也又或謂之爲小索水東北流木蓼溝水注之水上承京城南淵世謂之車輪淵淵水東北流謂之木蓼溝又東北入於須水須水又東北流於滎陽城西南北注索索水又東逕滎陽縣故城南漢王之困滎陽也紀信曰臣詐降楚王宜閒出信乃乘王車出東門稱漢降楚楚軍稱萬歲震動天地王與數十騎出西門得免楚圍羽見信大怒遂亨之信冢在城西北三里故蔡伯喈述征賦曰過漢祖

之所隘弔紀信於滎陽其城跨倚岡原居山之陽王莽立為祈隊備周六隊之制魏正始三年歲在甲子被癸丑詔書割河南郡縣自鞏闕以東創建滎陽郡并戶二萬五千以南鄉筑陽鄉亭侯李勝字公昭為郡守故原武典農校尉政有遺惠民為立祠於城北五里號曰李君祠廟前有石蹠蹠上有石的石的銘具存其略曰百族欣戴咸推厥誠今猶祀禱焉索水又東逕周苛冢北漢祖之出滎陽也令御史大夫周苛守之項羽拔滎陽獲苛曰吾以公為上將軍封三萬戶侯能盡節乎苛瞋目罵羽羽怒亨之索水又東流北屈西轉北逕滎陽城

東而北流注濟水杜預曰旃然水出滎陽成臯縣東入汝春秋襄公十八年楚伐鄭右師涉潁次于旃然即是水也濟渠水斷汝溝唯承此始故云汝受旃然矣亦謂之鴻溝水蓋因漢楚分王指水為斷故也郡國志曰滎陽有鴻溝水是也蓋因城地而變名為川流之異目濟水又東逕滎澤北故滎水所都也京相璠曰滎澤在滎陽縣東南與濟隧合濟隧上承河水於卷縣北河南逕卷縣故城東又南逕衡雍城西春秋左傳襄公十一年諸侯伐鄭西濟於濟隧杜預闕其地而名之水也京相璠曰鄭地也言濟水

一清按下有脫文

滎澤中北流至垣雍西

與出河之濟會南去新鄭百里斯蓋榮播河濟往復逕通矣出河之濟卽陰溝之上源也濟隧絕焉故世亦或謂其故道爲十字溝自于岑造入激隄於河陰水脈徑斷故瀆難尋又南會於滎澤旃然水旣斷民謂其處爲滎澤春秋衛侯及翟人戰於滎澤而屠懿公宏演報命納肝處也全氏曰按杜預曰戰處當在河北非此滎澤也又宣十二年楚潘黨逐魏錡及滎澤卽此矣有垂隴城濟瀆出其北春秋文公二年晉士穀盟于垂隴者也京相璠曰垂隴鄭地今滎陽東二十里有故垂隴城卽此是也世謂之都尉城蓋滎陽典農都尉治故變垂隴之名矣瀆濟又有沙城城左佩濟瀆竹書紀

年梁惠成王九年王會鄭釐侯于巫沙者也瀆際有故城世謂之水城非也史記秦昭王三十二年魏冉攻魏走芒卯入北宅卽故宅陽城也竹書紀年曰惠成王十三年王及鄭釐侯盟于巫沙以釋宅陽之圍歸釐于鄭者也竹書紀年晉出公六年齊鄭伐衛荀瑤城宅陽俗言水城非矣濟水自澤東出卽是始矣王隱曰河決爲滎濟水受焉故有濟堤矣爲北濟也濟水又東南逕釐城東春秋經書公會鄭伯于時來左傳所謂釐也京相璠曰今滎陽縣東四十里有故釐城也濟水又合黃水黃水發源京縣黃堆山東南流名祝龍泉泉勢沸湧狀

若巨鼎揚湯西南流謂之龍項口世謂之京水也又屈而北注於濟魚水入焉水出石暗澗東北流又北與漑水合水出西谿東流水上有連理樹其樹柞櫟也南北對生凌空交合谿水歷二樹之間東流注於魚水魚水又屈而西北注黃水黃水又北逕高陽亭東又北至故市縣重泉水注之水出京城西南少陘山東北流又北流逕高陽亭西東北流注於黃水又東北逕故市縣故城南漢高帝六年封閭澤赤爲侯國河南之屬縣也黃水又東北至滎澤南分爲二水一水北入滎澤下爲船塘俗謂之邾城陂東西四十里南北二十里竹書穆

天子傳曰甲寅天子浮于滎水乃奏廣樂是也一水東北流卽黃雀溝矣穆天子傳曰壬寅天子東至于雀梁者也又東北與靖水枝津合二水之合爲黃泉北流注於濟水

又東過陽武縣北

濟水又東南流入陽武縣北歷長城東南流蒗蕩渠出焉濟水又東北流北濟也逕陽武縣故城南王莽更名之曰陽桓矣又東爲白馬淵淵東西二里南北一百五十步泉流名爲白馬溝又東逕房城北穆天子傳曰天子里圃田之路東至于房疑卽斯城也郭注以爲趙郡

水經注卷之七 濟水一
房子也余謂穆王里鄭圃而郭以趙之房邑為疆更為
非矣濟水又東逕封邱縣南又東逕大梁城北又東逕
倉垣城又東逕小黃縣之故城北縣有黃亭俛濟又謂
之曰黃溝縣故陽武之東黃鄉也故因水以名縣沛公
起兵野戰喪皇妣于黃鄉天下平定乃使使者以梓宮
招魂幽野於是丹蛇自水濯洗入于梓宮其浴處有遺
髮焉故諡曰昭靈夫人因作寢以甯神也濟水又東逕
東昏縣故城北陽武縣之戶牖鄉矣漢丞相陳平家焉
平少為社宰以善均肉稱今民祠其社平有功於高祖
封戶牖侯是後置東昏縣也王莽改曰東明矣濟水又

東逕濟陽縣故城南故武父城也城在濟水之陽故以
為名王莽改之曰濟前者也光武生濟陽宮光明照室
即其處也東觀漢記曰光武以建平元年生於濟陽縣
是歲有嘉禾生一莖九穗大于凡禾縣界大熟因名曰
秀

又東過封邱縣北

北濟也自滎澤東逕滎陽卷縣之武修亭南春秋左傳
成公十年鄭子然盟于修澤者也鄭地矣杜預曰卷東

有武修亭

一清按方輿紀要原武縣有武修亭或以為
修魚也秦紀惠文王後七年韓魏燕齊率匈
奴共攻秦秦使樗里疾與戰於修魚今本左傳成十年
註作修武修武在河北漢屬河內郡卷在河南漢屬河

南郡則此宜是武修亭而非修武縣板
本為誤也故卷城在原武縣北七里
武縣故城南春秋之原圃也穆天子傳曰祭父自圃鄭
來謁天子夏庚午天子飲于滄上乃遣祭父如圃鄭是
也王莽之原桓矣濟瀆又東逕陽武縣故城北又東絕
長城鄭築也案竹書紀年梁惠成王十二年龍賈率師
築長城于西邊自亥谷以南鄭所城矣竹書云是梁惠
成王十五年築也郡國志曰長城自卷逕陽武到密者
是矣濟瀆又東逕酸棗縣之烏巢澤澤北有故市亭晉
太康地記曰澤在酸棗之東南昔曹太祖納許攸之策
破袁紹運處也濟瀆又東逕封邱縣南燕縣之延鄉也

其在春秋為長邱焉應劭曰左傳宋敗狄于長邱獲長
狄緣斯是也漢高帝封翟盱一清按此處有闕文史漢表循簡侯翟盱以十一年
七月封衍地闕鄴氏以盱封在延鄉未知所據且其事
古傳有明徵矣地理志封邱縣注孟康曰春秋傳敗狄
于長邱今翟溝是攷封邱縣志云翟溝者因翟母得名
母墓在縣西南溝當墓前為津渠所逕陳畱風俗傳云
漢高祖與項羽戰敗于延鄉有翟母者免其難也又魯
國都記云封邱衛地之延鄉漢高祖與項羽戰敗遇翟
母免難之處後以延鄉為封邱縣以封翟母即此地也
然則封于延鄉者是翟母非翟盱也又按史漢表侯功
狀云盱以漢王二年為燕令又堅守燕侯也漢水出焉濟
豈燕即衍聲音之轉字從而變未可知也

瀆又東逕大梁城之赤亭北而東注

又東過平邱縣南

北濟也縣故衛地也春秋魯昭公十三年諸侯盟于平

邱是也縣有臨濟亭田僖死處也又有曲濟亭皆臨側
濟水

又東過濟陽縣北

北濟也自武父城北闕駟曰縣在西北鄭邑也東逕濟
陽縣故城北圈稱陳畱風俗傳曰縣故宋地也竹書紀
年梁惠成王三十年城濟陽漢景帝中六年封梁孝王
子明為濟川王應劭曰濟川今陳畱濟陽縣是也

又東過冤胸

一清按漢志作冤
句師古曰音幼

縣南又東過定陶縣南

南濟也濟水自濟陽縣故城南東逕戎城北春秋隱公
二年公會戎于潛杜預曰陳畱濟陽縣東南有戎城是

也濟水又東北蒗水東出焉濟水又東北逕冤胸縣故

城南呂后元年封楚元王子劉執為侯國

朱氏謀諱箋
曰按漢表景

帝封王莽之濟平亭也濟水又東逕秦相魏冉冢南冉秦

宣太后弟也代客卿壽燭為相封于穰益封于陶號曰

穰侯富于王室范雎說秦秦王悟其擅權免相就封出

關輜車千乘卒于陶而因葬焉世謂之安平陵墓南崩

碑尚存濟水又東北逕定陶恭王陵南漢哀帝父也帝

即位母丁太后建平二年崩上曰宜起陵于恭皇之園

送葬定陶貴震山東王莽秉政貶號丁姬開其槨尸火

出炎四五丈吏卒以水沃滅乃得入燒燔槨中器物公

卿遣子弟及諸生四夷十餘萬人操持作具助將作掘平恭王母傅太后墳及丁姬冢二旬皆平莽又周棘其處以為世戒云時有羣鸞數千銜土投于丁姬窀中今其墳冢巍然尚秀隅阿相承列郭數周面開重門南門內夾道有崩碑二所世尚謂之丁昭儀墓又謂之長隧陵蓋所毀者傅太后陵耳丁姬墳墓事與書違不甚過毀未必一如史說也墳南魏郡治也世謂之左城亦名之曰葬城蓋恭王之陵寢也濟水又東北逕定陶縣故城南側城東注也縣故三醜國也湯追桀伐三醜即此周武王封弟叔振鐸之邑故曹國也漢宣帝甘露二年

更濟陰為定陶國王莽之濟平也戰國之世范蠡既雪會稽之恥乃變姓名寓之于陶為朱公以陶天下之中諸侯四通貨物之所交易也治產致千金富好行德子孫修業遂致巨萬故言富者皆曰陶朱公也

又屈從縣東北流

南濟也又東北右合荷水瀆水上承濟水於濟陽縣東世謂之五丈溝又東逕陶邱北地理志曰禹貢定陶西南有陶邱陶邱亭在南一清按地理志濟陰郡定陶縣禹貢陶邱在西南陶邱亭今注以禹貢二字冠定陶之上非是又陶邱亭下似今本漢書脫在南二字當以此文補之墨子以為釜邱也竹書紀年魏襄王十九年薛侯來會王子釜邱

水經注釋卷七終
者也尙書所謂導菏水自陶邱北一清按尙書禹貢導
邱北又東至于荷善謂此也菏水東北出於定陶縣北
長所引顛倒之矣屈左合汜水汜水西分濟瀆東北逕濟陰郡南爾雅曰
濟別爲澗呂忱曰水決復入爲汜廣異名也汜水又東
合於菏瀆昔漢祖既定天下卽帝位於定陶汜水之陽
張晏曰汜水在濟陰界取其汜愛宏大而潤下也汜水
之名於是乎在矣汜水又東北逕定陶縣南又東北右
合黃水枝渠渠上承黃溝東北合菏而北注濟瀆也

水經注釋卷七終

海甯錢保塘
華陽吳祖椿覆校

水經注釋卷八

濟水二

仁和趙一清誠夫錄

濟水又東至乘氏縣西分爲二

春秋左傳僖公三十一年分曹地東傅于濟濟水自是
東北流出巨澤

其一水東南流其一水從縣東北流入鉅野澤

南爲菏水北爲濟瀆

過乘氏縣與濮渠合

北濟自濟陽縣北東北逕煮棗城南郡國志曰冤胸縣

有煮棗城即此也漢高祖十二年封革朱為侯國北濟
又東北逕冤胸縣故城北又東北逕呂都縣故城南王
莽更名之曰祁都也又東北逕定陶縣故城北漢景帝
以濟水出其北東流中六年分梁于定陶置濟陰郡一
按濟陰郡當作濟陰國考漢書諸侯王表景帝以中六
年封梁孝王子不識為濟陰王始有濟陰之稱故地理
志云濟陰郡故梁景帝六年別為濟陰國不識立二年
而薨無後則是國已除矣其時或仍屬于梁或立為郡
志不之詳也又云宣帝甘露二年更名定陶是又為王
國矣其時以封皇子躡後徙王楚追元帝永光八年徙
皇子山陽王康為定陶王是為共王王子欣即哀帝既
入繼大統立楚思王子景為定陶王王奉共王後二年徙
景王信都如涪曰不復為定陶王立後者哀帝自以已
為後故哀帝崩無後徵立中山孝王之子衍為帝是為
平帝其時王莽擅權與傅丁為仇之際定陶國之廢必
在斯時故續志云濟陰郡治定陶劉昭補注惟以郡故

梁景帝分置為言而其顛末亦不暇詳也獨怪班固既
詳建國之始乃遺立郡之由不幾犯張冠李戴方鑿圓
納之謂耶道元亦指為一清按為濟而定名也又東北
因仍書之誤矣
與濮水會上承濟水於封邱縣即地理志所謂濮渠水
首受濟者也闕駟曰首受別濟即北濟也其故瀆自濟
東北流左迤為高梁陂方三里濮水又東逕匡城北孔
子去衛適陳遇難于匡者也又東北左會別濮水受河
於酸棗縣故杜預云濮水出酸棗縣首受河竹書紀年
曰魏襄王十年十月大霖雨疾風河水溢酸棗郭漢世
塞之故班固云文堙棗野也今無水其故瀆東北逕南
北二棗城閒左傳襄公五年楚子囊伐陳公會于城棗

以救之者也。濮渠又東北逕酸棗縣故城南。韓國矣。圈稱曰：昔天子建國名都，或以令名，或以山林。故豫章以樹氏郡酸棗，以棘名邦，故曰酸棗也。漢官儀曰：舊河隄謁者居之城西，有韓王望氣臺。孫子荆故臺，賦敘曰：酸棗寺門外夾道左右，有兩故臺，訪之國老云：韓王聽訟觀臺，高十五仞，雖樓榭泯滅，然廣基似于山岳。召公大賢猶舍甘棠區區小國，而臺觀隆崇，驕盈于世，以鑒來今。故作賦曰：葺邱陵之邈迤，亞五嶽之嵯峨。言壯觀也。城北韓之市地也。聶政爲濮陽嚴仲子刺韓相俠累，遂皮面而死，其姊哭之于此城內。有後漢酸棗令劉孟陽。

碑一清按孟陽名熊見趙明誠金石錄跋尾濮水北稱成陂。一清按此處有脫誤陂方

五里，號曰同池陂。又東逕胙亭，東注。故胙國也。富辰所

謂邢茅胙祭周公之膚也。濮渠又東北逕燕城南，故南

燕，姑姓之國也。有北燕，故以南氏縣東爲陽清湖陂。南

北五里，東西三十里，亦曰燕城湖。逕桃城南，卽戰國策

所謂酸棗虛桃者也。漢高帝十二年封劉襄爲侯國。全氏

曰孫汝澄云劉襄所封之桃在信都道元于濁漳水篇已證之誤復于此而東注于濮，俗謂

之朝平溝。濮渠又東北，又與酸水故瀆會。酸瀆首受河

於酸棗縣東，逕酸棗城北，延津南，謂之酸水。竹書紀年

曰：秦蘇胡率師伐鄭，韓襄敗秦蘇胡于酸水者也。酸瀆

水又東北逕燕城北又東逕滑臺城南又東南逕瓦亭南春秋定公八年公會晉師於瓦魯尙執羔自是會始也又東南會於濮世謂之百尺溝濮渠之側有漆城竹書紀年梁惠成王十六年邯鄲伐衛取漆富邱城之者也或亦謂之宛濮亭春秋甯武子與衛人盟于宛濮杜預曰長垣西南近濮水也京相璠曰衛地也似非關究而不知其所竹書紀年梁惠成王五年公子景賈率師伐鄭韓明戰于陽我師敗逋澤北有壇陵亭亦或謂之大陵城非所究也又有桂城竹書紀年梁惠成王十七年齊田期伐我東鄙戰于桂陽我師敗逋亦曰桂陵案

史記齊威王使田忌擊魏敗之桂陵齊于是疆自稱爲王以令天下濮渠又東逕蒲城北故衛之蒲邑孔子將之衛子路出迎于蒲者也韓子曰魯以仲夏起長溝子路爲蒲宰以私粟饋眾孔子使子貢毀其器焉余案家語言仲由爲蒲宰脩溝瀆與之簞食瓢飲夫子令賜止之無魯字全氏曰韓非子本言子路爲郈宰故屬之魯道元既誤引而又贅辨之不然是俗本誤郈爲蒲也又入其境三稱其善身爲大夫終死衛難濮渠又東逕韋城南卽白馬縣之韋鄉也史遷記曰夏伯豕韋之故國矣城西出而不方城中有六大井皆隧道下俗謂之江井也有馳道自城屬于長垣濮渠東絕馳道東

逕長垣縣故城北衛地也故首垣矣秦更從今名王莽
改爲長固縣陳畱風俗傳曰縣有防垣故縣氏之孝安
帝以建光元年封元舅宋俊爲侯國縣有祭城濮渠逕
其北鄭大夫祭仲之邑也杜預曰陳畱長垣縣東北有
祭城者也圈稱又言長垣縣有羅亭故長羅縣也漢封
後將軍常惠爲侯國地理志曰王莽更長羅爲惠澤後
漢省并長垣有長羅澤卽吳季英牧豬處也又有長羅
畱蓬伯玉畱陳畱風俗傳曰長垣縣有蓬伯鄉一名新
鄉有蓬亭伯玉祠伯玉冢曹大家東征賦曰到長垣之
境界兮察農野之居民觀蒲城之邱墟兮生荆棘之藜

藜蓬氏在城之東南兮民亦饗其邱墳唯令德之不朽

兮身既沒而名存昔吳季札聘上國至衛觀典府賓亭

父疇以衛多君子也朱氏謀埠箋曰左傳云延陵季子

子荆公子發公子朝此云去鄭適衛說蓬伯玉史狗史鮪公

觀典府賓亭父疇未詳濮渠又東分爲二瀆北濮出

焉濮渠又東逕須城北衛詩云思須與曹也毛云須衛

邑矣鄭云自衛而東逕邑故思濮渠又北逕襄邱亭南

竹書紀年曰襄王七年韓明率師伐襄邱九年楚庶章

率師來會我次于襄邱者也濮水又東逕濮陽縣故城

南昔師延爲紂作靡靡之樂武王伐紂師延東走自投

濮水而死矣後衛靈公將之晉而設舍于濮水之上夜

聞新聲召師涓受之于是水也濮水又東逕濟陰離狐
縣故城南王莽之所謂瑞狐也郡國志曰故屬東郡濮
水又東逕葭密縣故城北竹書紀年元公三年魯季孫
會晉幽公于楚邱取葭密遂城之清按此文本作幽
王十三年魯季孫會
晉文公于楚邱即葭密遂城之朱氏謀埠箋云幽王舊
本作幽公十三年宋本無十字今本竹書紀年周考王
十四年魯季孫會晉幽公于楚邱無即葭密遂城之六
字寰宇記曹州乘氏縣下云竹書紀年幽公十三年季
孫會晉文公于楚取葭密遂城之則知古本竹書如是
然而有大可疑者史記六國年表周考王元年歲辛丑
十四年甲寅當魯元公嘉之二年晉幽公柳之十年而
魯世家注徐廣曰皇甫謐云元公元年辛亥終辛未得
二十一年與世表參校差一歲濮水又東北逕鹿城南郡國
志曰濟陰乘氏縣有鹿城鄉春秋僖公二十一年盟于

鹿上京杜竝謂此亭也濮水又東與句瀆會首受濮水
枝渠於句陽縣東南逕句陽縣故城南春秋之穀邱也
左傳以爲句瀆之邱矣縣處其陽故縣氏焉又東入乘
氏縣左會濮水與濟同入鉅野故地理志曰濮水自濮
陽南入鉅野一清按此是應劭
說非班固元文亦經所謂濟水自乘氏
縣兩分東北入於鉅野也濟水故瀆又北右合洪水水
上承鉅野薛訓渚歷澤西北又北逕闕鄉城西春秋桓
公十有一年經書公會宋公于闕郡國志曰東平陸有
闕亭皇覽曰蚩尤冢在東郡壽張縣闕鄉城中冢高七
尺常十月祠之有赤氣出如絳民名爲蚩尤旗十三州

志曰壽張有蚩尤祠

漢志東郡壽良縣蚩尤祠在西北沛上

又北與濟瀆

合自渚迄於北口一百二十里名曰洪水桓溫以太和四年率眾北入掘渠通濟至義熙十三年劉武帝西入長安又廣其功自洪口已上又謂之桓公瀆濟自是北注也春秋莊公十八年經書夏公追戎于濟西京相璠曰濟水自鉅野至濟北是也

又東北過壽張縣西界安民亭南汶水從東北來注之濟水又北汶水注之戴延之所謂清口也郭緣生述征記曰清河首受洪水北流入濟或謂清即濟也禹貢濟東北會於汶今枯渠注巨澤巨澤北則清口清水與汶

會也李欽曰汶水出太山萊蕪縣西南入濟是也濟水又北逕梁山東袁宏北征賦曰背梁山截汶波即此處也劉澄之引是山以證梁父為不近情矣山之西南有呂仲悌墓河東岸有石橋橋本當河河移故側岸也古老言此橋東海呂母起兵所造也山北三里有呂母宅宅東三里即濟水濟水又北逕須朐城西城臨側濟水故須朐國風姓也春秋僖公二十一年子魚曰朱氏謀此三字宜刪一清按三字是酈氏誤引傳文任宿須朐顓臾風姓也實司太皞與有濟之祀杜預曰須朐在須昌縣西北非也地理志曰壽張縣西北有朐城者是也濟水西有安民亭亭

北對安民山東臨濟水水東即無鹽縣界也山西有冀

州刺史王紛碑漢中平四年立趙氏明誠金石錄跋尾

熹四年立桑欽水經云濟水逕須句城西鄆道元注濟

水西有安民山山西有冀州刺史王紛碑漢中平四年

立按地理書須句即今中都縣此碑在中都又其官與

姓氏皆合疑其是也然以純為紛以熹為中平則疑

水經之誤葉氏奕苞續金石錄曰漢冀州刺史王純碑

云君諱純字伯敦年五十九延熹四年八月廿八日甲

寅隕殂五年十一月十八日丙申葬而立此碑也按水

經王紛碑立于中平四年去延熹已二十餘年或別有

完好更無殘泐若趙氏所云乃好奇之過君子于其所

不知蓋濟水又北逕微鄉東春秋莊公二十八年經書

冬築郿京相璠曰公羊傳謂之微在東平壽張縣西北

三十里有故微鄉魯邑也杜預曰有微子冢濟水又北

分為二水其枝津西北出焉謂之馬頰水者也

又北過須昌縣西

京相璠曰須胸一國二城兩名蓋遷都須昌胸是其本

秦以為縣漢高帝十一年封趙衍為侯國濟水於縣趙

溝水注之濟水又北逕魚山東左合馬頰水水首受濟

西北流歷安民山北又西流趙溝出焉東北注於濟馬

頰水又逕桃城東春秋桓公十年經書公會衛侯于桃

邱衛地也杜預曰濟北東阿縣東南有桃城即桃邱矣

馬頰水又東北流逕魚山南山即吾山也漢武帝瓠子

歌所謂吾山平者也山上有柳舒城魏東阿王曹子建

每登之有終焉之志及其終也葬山西西去東阿城四十里其水又東注於濟謂之馬頰口也濟水自魚山北逕清亭東春秋隱公四年公及宋公遇于清者也京相璠曰今濟北東阿東北四十里有故清亭即春秋所謂清者也是下濟水通得清之目焉亦水色清深用兼厥稱矣是故燕王曰吾聞齊有清濟濁河以為固即此水也又北過穀城縣西

濟水側岸有尹卯壘南去魚山四十餘里是穀城縣界故春秋之小穀城也齊桓公以魯莊公三十二年城之邑管仲焉城內有夷吾井魏土地記曰縣有穀城山山

出文石陽穀之地春秋齊侯宋公會于陽穀者也縣有

黃山臺黃石公與張子房期處也又有狼水出東南大

檻山狼溪西北逕穀城西又北有西流泉出城東近山

西北逕穀城北西注狼水以其流西故即名焉趙秉文滄水集

雙溪記東平黃山之下曰浪溪酈道元水經注所謂狼溪者是也狼浪同聲因以名之浪溪東二十里而近有佛屋溪源于此築堰匯水為溪溪廣百畝上納天光下侵山根中植亭館蒔以花竹命之曰雲溪一清按雲溪似即注中所謂西流泉也又西北入清水城西北三里有項王羽之冢半許毀壞石碣尚存題云項王之墓皇覽云冢去縣

十五里謬也今彭城穀陽城西南又有項羽冢非也余按史遷記魯為楚守漢王示羽首魯乃降遂以魯公禮

葬羽于穀城甯得言彼也濟水又北逕周首亭西春秋
文公十有一年左邱明云襄公二年王子成父獲長狄
僑如弟榮如埋其首于周首之北門卽是邑也今世謂
之盧子城濟北郡治也京相璠曰今濟北所治盧子城
故齊周首邑也

又北過臨邑縣東

地理志曰縣有濟水祠也王莽之穀城亭也水有石門
以石爲之故濟水之門也春秋隱公三年齊鄭會于石
門鄭車僨濟卽于此也京相璠曰石門齊地今濟北盧
縣故城西南六十里有故石門去水三百步蓋水瀆流

移故側岸也濟水又北逕平陰城西春秋襄公十八年
晉侯沈玉濟河會于魯濟尋湨梁之盟同伐齊齊侯禦
諸平陰者也杜預曰城在盧縣故城東北非也京相璠
曰平陰齊地也在濟北盧縣故城西南十里平陰城南
有長城東至海西至濟河道所由名防門去平陰三里
齊侯塹防門卽此也其水引濟故瀆尙存今防門北有
光里齊人言廣音與光同全氏祖望曰八字注中注卽春秋所謂守
之廣里者也何氏曰杜氏以爲防門之塹其廣一里耳善長則以廣爲里名全氏曰杜說是也酈
以聲音之變爲證非矣又云巫山在平陰東北昔齊侯登望晉軍
畏眾而歸師曠邗伯聞烏烏之聲知齊師潛遁人物咸

淪地理昭著賢于杜氏東北之證矣今巫山之上石
室耆老言郭巨葬母處世謂之孝子堂濟水右迤為湄
湖方四十餘里濟水又東北逕垣苗城西故洛當城也
伏韜北征記曰濟水又與清河合流至洛當者也宋武
帝西征長安令垣遵鎮此故俗人有垣苗城之稱按一清
遵垣苗伯仲並為劉武帝參軍從征長安豈可兄鎮此
城弟龔其號乎且一城亦未必二人居守而城有垣苗
之稱則垣遵為誤引也又按通鑑宋紀孝武大明三年
以義陽太守垣苗為兗州刺史闕遵之子也胡三省注
曰垣遵即垣苗也武帝西征長安使遵守洛當城據
河濟之會人謂之垣苗城此是全龔注之誤忘卻晉
安帝義熙五年劉裕伐慕容超超尚書略陽垣遵及弟
京兆太守垣苗踰城來降之文遵乃苗之兄不審梅
何以失爾
河水自四瀆口東北流而為清魏土地記曰盟

津河別流十里與清水合亂流而東逕洛當城北黑白
異流涇渭殊別而東南流注也

又東北過盧縣北

濟水東北與湄溝合水上承湄湖北流注濟爾雅曰水
草交曰湄通谷者微犍為舍人曰水中有草木交合也
郭景純曰微水邊通谷也釋名曰湄眉也臨水如眉臨
目也一作清按魏書慕容白曜傳濟水又逕盧縣故城北
濟北郡治也漢和帝永元二年分泰山置蓋以濟水在
北故也濟水又逕什城北城際水湄故邸閣也祝阿人
孫什將家居之以避時難因謂之什城焉濟水又東北

與中川水合水東南出山在縣之分水嶺溪一源兩分
泉流半解亦謂之分流交半水南出太山入汶半水出
山在縣西北流逕東太原郡南郡治山在西北與賓溪
谷水合水出南格馬山賓溪谷北逕盧縣故城北陳敦
戍南西北流與中川水合謂之格馬口其水又北逕盧
縣故城東而北流入濟俗謂之爲沙溝水濟水又東北
右會玉水水導源太山朗公谷舊名琨瑞溪有沙門竺
僧朗少事佛圖澄碩學淵通尤明氣緯隱于此谷因謂
之朗公谷故車頻秦書云苻堅時沙門竺僧朗嘗從隱
士張巨和遊巨和嘗穴居而朗居琨瑞山大起殿舍連

樓累閣雖素飾不同竝以靜外致稱卽此谷也水亦謂
之琨瑞水也其水西北流逕玉符山又曰玉水又西北
逕獵山東又西北枕祝阿縣故城東野井亭西春秋昭
公二十五年經書齊侯唁公于野井是也春秋襄公十
九年諸侯盟于祝柯左傳所謂督陽者也漢興改之曰
阿矣漢高帝十一年封高邑爲侯國王莽之安成者也
故俗謂是水爲祝阿澗水北流注於濟建武五年耿弇
東擊張步從朝陽橋濟渡兵一清按後漢書耿弇傳東
云朝城在濟水北有潔河酈從朝陽橋河以度章懷注
氏以濟渡連稱詞義乖舛卽是處也濟水又東北灤
水出焉灤水出歷城縣故城西南泉源上奮水涌若輪

春秋桓公十八年公會齊侯于濼是也俗謂之爲娥姜水也以泉源有舜妃娥英廟故也城南對山山上有舜祠山下有大穴謂之舜井抑亦茅山禹井之比矣書舜耕歷山亦云在此所未詳也其水北爲大明湖西卽大明寺寺東北兩面側湖此水便成淨池也池上有客亭左右楸桐負日俯仰目對魚鳥極水木明瑟可謂濠梁之性物我無違矣湖水引瀆東入西郭東至歷城西而側城北注湖水上承東城歷祠下泉源競發其水北流逕歷城東又北引水爲流杯池州僚賓燕公私多萃其上分爲二水右水北出左水西逕歷城北西北爲陂謂

之歷水與濼水枝津合水首受歷水於歷城東東北逕東城西而北出郭又北注濼水又北聽水出焉濼水又北流注于濟謂之濼口也濟水又東北逕華不注山單椒秀澤不連邱陵以自高虎牙桀立孤峯特拔以刺天青崖翠發望同點黛山下有華泉故京相璠春秋土地名曰華泉華不注山下泉水也春秋左傳成公二年齊頃公與晉卻克戰于鞌齊師敗績逐之三周華不注逢丑父與公易位將及華泉驂絙于木而止丑父使公下如華泉取飲齊侯以免韓厥獻丑父卻子將戮之呼曰自今無有代其君任患者有一于此將爲戮矣卻子曰

人不難以死免其君我戮之不祥赦之以勸事君者乃免之即華水也北絕聽瀆二十里注於濟

又東北過臺縣北

巨合水南出雞山西北北逕巨合故城西耿弇之討張步也守巨里即此城也三面有城西有深坑坑西即弇所營也與費邑戰斬邑于此巨合水又北合關盧水關盧水導源馬耳山北逕博亭城西西北流至平陵城與武原水合水出譚城南平澤中世謂之武原泉北逕譚城東俗謂之古城也又北逕東平陵縣故城西故陵城也後乃加平譚國也齊桓之出過譚譚不禮焉魯莊公

九年即位又不朝十年滅之城東門外有樂安任照先

碑一清按名勝志引此注云城東有漢相劉衡碑又有樂安任照先碑今本無劉衡碑之目蓋有脫失矣

濟南郡治也漢文帝十六年置為王國景帝二年為郡

王莽更名樂安其水又北逕巨合城東漢武帝以封城

陽頃王子劉發于為侯國沈氏曰史漢表俱無于字又按漢表云平原索隱亦云皆

為誤也後漢書章懷注云巨里聚一名巨合城其水合

關盧水西出注巨合水西北逕臺縣故城南漢高帝六

年封東郡尉戴野為侯國王莽之臺治也一清按高祖

侯戴野曰知錄漢書濟南郡之縣十四一曰東平陵二

曰鄒平三曰臺四曰梁鄒後漢書濟南郡十城其一曰

東平陵其四曰臺其七曰梁鄒其八曰鄒平後人讀漢

書誤從鄒字絕句因以鄒為一縣平臺為一縣齊乘遂

水經注卷八

謂漢濟南郡後漢改為鄒平又以臺平臺為二縣此不
 得其句讀而妄為之說也漢志常山郡有平臺縣是史
 子叔封邑亭其水西北流白野泉水注之水出臺城西
 林之說是也南白野泉北逕雷山西北流而右注巨合水又北聽水
 注之水上承灤水東流北屈又東北流注於巨合水亂
 流又北入於濟濟水又東北合芹溝水水出臺縣故城
 東南西北流逕臺城東又西北入於濟水

又東北過管縣南

濟水東逕管縣故城南漢景帝二年封齊悼惠王子罷
 軍為侯國全氏曰于欽云管史漢表皆誤為管故右納
 百脈水百脈水出土鼓縣故城西水源方百步百泉俱

出故謂之百脈水其水西北流逕陽邱縣故城中漢孝

景帝四年以封齊悼惠王子劉安為陽邱侯一清按漢

安以文帝四年封而史表無之史表有瓜邱侯甯國索
 隱曰縣在魏郡地理志魏郡無瓜邱則斥邱之誤也漢
 表云氏邱侯甯國氏邱亦斥邱之譌又按氏邱侯封十
 一年而薨十五年侯偃嗣十年為景帝三年反誅楊邱
 侯封十二年而薨十六年侯偃嗣十一年為景帝四年
 坐出國界耐為司寇嗣侯名為偃其封薨與嗣總差一
 年一似氏邱之即楊邱者未知史世謂之章邱城非也
 表脫一人也抑漢表多一人也

城南有女郎山山上有神祠俗謂之女郎祠左右民祀
 焉其水西北出城北逕黃巾固蓋賊所屯故固得民焉
 百脈水又東北流注於濟濟水東又有楊渚溝水水出
 逢陵故城西南二十里逕土鼓城東又西北逕章邱城

東又北逕甯戚城西北流注於濟水也

又東過梁鄒縣北

隴水南出長城中北流至般陽縣故城西南與般水會水出縣東南龍山俗亦謂之爲左阜水西北逕其城南王莽之濟南亭也應劭曰縣在般水之陽縣資名焉其水又南屈西入隴水北逕其縣西北流至萌水口萌水出西南甲山東北逕萌山西東北入於隴水隴水又西北至梁鄒東南與魚子溝水合水南出長白山東柳泉口山卽陳仲子夫妻之所隱也孟子曰仲子齊國之世家兄戴祿萬鍾仲子非而不食避兄離母家于於陵卽

此處也其水又逕於陵縣故城西王莽之於陸也世祖

建武十五年更封則鄉侯侯霸爲侯國一清按後漢書侯霸傳建武十

三年薨帝親自臨弔下詔追封謚則鄉侯何緣有十五年更封之事本傳又云子昱嗣昱後徙封於陵侯是霸之子非霸也善長誤矣其水北流注於隴水隴水卽古袁水也故

京相璠曰濟南梁鄒縣有袁水者也隴水又西北逕梁

鄒縣故城南又北屈逕其城西漢高祖六年封武虎爲

侯國一清按史表作武儒此從漢表其水北注濟其城之東北又有時

水西北注焉

又東北過臨濟縣南

縣故狄邑也王莽更名利居漢記安帝永初二年改從

今名以臨濟故地理風俗記云古樂安太守治晏謨齊
 記曰有南北二城隔濟水南城即被陽縣之故城也北
 枕濟水地理志曰侯國也如淳曰音罷軍之罷也一清按漢
志注如淳曰一作疲史表作披索史記建元以來王子
隱曰蕭該披音皮劉氏音皮彼反侯者年表曰漢武帝元朔四年封齊孝王子敬侯劉燕
 之國也今渤海僑郡治濟水又東北迤為淵渚謂之平
 州坑濕沃縣側有平安故城俗謂之會城非也一清按
云伏琛曰千乘城在齊城西北一百五十里隔會水即
潔水之別名故潔沃縣側之城俗謂之會城也以此
 按地理志千乘郡有平安縣侯國也全氏曰地理志有
以平安封者蓋失之一清按孝成許皇后傳后姊子平
安剛侯謁則是平安之封邑可知但侯表中無之耳

王莽曰鴻睦也應劭曰博昌縣西南三十里有平安亭
 故縣也世尚存平州之名矣濟水又東北迤高昌縣故
 城西案地理志曰千乘郡有高昌縣漢宣帝地節四年
 封董忠為侯國世謂之馬昌城非也濟水又東北迤樂
 安縣故城南伏琛齊記曰博昌城西北五十里有南北
 二城相去三十里隔時濟二水指此為博昌北城非也
 樂安與博昌薄姑分水俱同西北薄姑去齊城六十里
 樂安越水差遠驗非尤明班固曰千乘郡有樂安縣應
 劭曰取休令之名矣漢武帝元朔五年封李蔡為侯國
 全氏曰按漢表李蔡封安樂是瑯邪之昌縣非千乘之
 樂安也史表作樂安而索隱曰表在昌可證也一清按

水經注卷八

水經注釋卷八 濟水二 七百上

全說非也李蔡封樂安侯史漢李廣傳功臣表衛青傳及百官公卿表凡七見惟漢書功臣表作安樂耳故師古以表為誤蓋封在樂安而食邑于昌亦或是博昌與樂安同屬千乘并非瑯邪之昌轉寫者脫失耳禹貢雖指曰樂安故城在今博興縣東隋改樂安曰博昌五代唐曰博興元和志博昌縣清水在北去縣百步按此經舊在高昌下今據薄姑利縣俱南直臨淄而樂安故城在博昌縣東北則此經乃錯簡故移于利縣之後甲下邑之前一清按東樵不知此條是注所謂先經起事乃有錯簡之疑即實非也今仍其舊城西三里

有任光等豕光是宛縣人不得為博昌明矣濟水又逕薄姑城北後漢郡國志曰博昌縣有薄姑城地理志曰

呂尙封于齊郡薄姑薄姑故城在臨淄縣西北五十里

近濟水史遷曰胡公徙薄姑一清按齊世家是獻公城內有高臺

春秋昭公二十年齊景公飲于臺上曰古而不死何樂

如之晏平仲對曰昔爽鳩氏始居之季荊因之有逢伯陵因之薄姑氏又因之而後太公又因之臣以為古若不死爽鳩氏之樂非君之樂即于是臺也濟水又東北逕狼牙固西而東北流也

又東北過利縣西

地理志曰齊郡有利縣王莽之利治也晏謨曰縣在齊城北五十里

又東北過甲下邑入於河

濟水東北至甲下邑南東歷琅槐縣故城北地理風俗記曰博昌東北八十里有琅槐鄉故縣也山海經曰濟

水絕鉅野注渤海入齊琅槐東北者也又東北河水枝津注之水經以為入河非也斯乃河水注濟非濟入河又東北入海

郭景純曰濟自滎陽至樂安博昌入海今河竭濟水仍流不絕經言入河二說並失然河水於濟潔之北別流注海今所綴流者惟潔水耳郭或以為濟注之事實非也尋經脈水不如山經之為密矣

其一水東流者過乘氏縣南

荷水分濟於定陶東北一清按漢志濟陰郡下云禹貢荷澤在定陶東傳寅尚書集解云許氏說文荷水出山陽湖陵南正與孔傳同而班固以為在定陶何也蓋在定陶者其澤也在湖陵者其流

也其流與泗合正在單州之魚臺魚臺在單州東北百里而近正古湖陵地也而孟豬在睢陽東北則所謂被孟豬者導荷流之在定陶也東南右合黃溝枝流俗謂之魚臺間者以被之于南也

界溝也北逕己氏縣故城西又北逕景山東衛詩所謂景山與京者也毛公曰景山大山也全氏曰按此非衛

輿地廣記曰今拱州楚邱非衛之所遷縣有景山京岡皆後人附會又北逕楚邱城西郡

國志曰成武縣有楚邱亭杜預云楚邱在成武縣西南

衛懿公為狄所滅衛文公東徙渡河野處曹邑齊桓公

城楚邱以遷之故春秋稱邾遷如歸衛國忘亡即詩所

謂升彼墟矣以望楚矣望楚與堂景山與京故鄭元言

觀其旁邑及山川也程氏公說春秋分記曰戎州己氏邑在今拱州楚邱縣戎蓋昆吾之

後別在夷狄源逮其歸戎于此天王使凡伯聘魯由雒邑道
 楚邱至仙源逮其歸戎于此天王使凡伯聘魯由雒邑道
 周魯往來之地以二其逼近宋都故在二漢晉屬梁國杜
 誤以此為即僖二年城楚邱則釋邑是城楚邱
 陰城武縣于僖二年城楚邱則釋邑是城楚邱
 為前日戎伐王使之楚邱矣水經亦以戎邑是城楚邱
 邱蓋衛文公徙居于此按濟陰城武縣即今開德之衛
 南蓋隋大業初徙居于此按濟陰城武縣即今開德之衛
 衛為狄所滅東徙渡河野處曹邑不出邦域之中斯文公
 在今滑之白馬衛南為近二邑凡伯安有踰河北道
 所由徙也又衛南之楚邱在河北為衛所城之邑而拱
 衛南而使于魯耶故衛南之楚邱在河北為衛所城之邑而拱
 州之楚邱則戎州已氏邑云顧氏炎武曰知錄曰春秋
 隱公七年戎伐凡伯于楚邱以歸杜氏曰楚邱衛地在
 濟陰城武縣西南夫濟陰之楚邱同而誤按衛國之封本在
 也蓋與僖公二年城楚邱同而誤按衛國之封本在
 汲郡朝歌懿公為狄所滅渡河而東立戴公以廬于漕
 杜氏曰曹衛下邑詩所謂思須與曹廬者無城郭之稱
 而非曹國之曹也僖公二年城楚邱杜氏曰楚邱也但云衛邑
 詩所謂作于楚宮而非戎伐凡伯之楚邱也但云衛邑

而不詳其地然必在滑縣開州之間滑在河東故唐人
 有魏滑分河之錄矣水經注乃曰楚邱在成武西南即
 衛文公所徙誤矣彼曹國之地齊桓安得取之而封衛
 乎以曹名同楚邱之名又同遂為一爾一清按亭林之
 見與克齋合前輩立說大氏必有依仿克齋遂于春秋
 謂濟陰城武縣即開德之衛東南誤也濟陰郡宋時為曹
 州地方輿紀要云曹州曹縣東南四十里有楚邱城春
 秋時戎州已氏之邑左傳隱公七年戎伐凡伯于楚邱
 又襄公十年宋享晉侯于楚邱蓋在曹宋間漢置已氏
 縣屬梁國是即杜氏所云在濟陰城武縣者也楚邱在
 漢為已氏縣屬梁國後漢屬濟陰郡隋屬梁郡開皇六
 年改從今名唐屬宋州宋建州為應天府號南京楚邱
 縣隸焉拱州崇甯四年建州于開封府襄邑縣領縣二襄
 邑柘城克齋云今拱州楚邱蓋當日會以楚邱屬也迨
 元始屬曹州明初省入曹縣蓋南屬滑州後改隸澶州
 文獻通考云崇甯四年建州于開封府襄邑縣領縣二襄
 太平寰宇記澶州衛南縣下云衛北輔五年升為開德府
 即此城也漢為濮陽縣地隋開皇十六年于此置楚邱
 縣後以曹州有楚邱縣改名衛南此在衛之南垂故以邱

名縣又云楚邱城在縣西北四里詩云定之方中作于楚宮城家記云齊桓築楚邱之城即此也是即亭林所謂不詳其地必在滑縣開州之間者也兩地懸殊何乃混而為一乎杜註于隱七年戎伐凡伯之邑釋曰衛地乃在濟陰城武縣西南于僖二年所城則曰衛邑本自不錯惟于戎伐下多衛地二字為不合耳然鄆氏之說亦本漢志山陽郡成武縣下云有楚邱亭齊桓公所城遷衛文公于此子成公徙濮陽東郡濮陽縣下云衛成公自楚邱徙此故帝邱顓頊墟蓋篤信班固而不暇詳審爾泗水篇注云又東逕山陽郡城武縣之楚邱亭北而不可謂滑也

又東北逕成武城西又東北逕郟城東疑郟徙也所未詳矣全氏曰郟是魯邑如**又東北逕梁邱城西**地理志曰昌邑縣有梁邱鄉春秋莊公三十二年宋人齊人會于梁邱者也朱氏謀埠箋曰孫汝澄云按春秋宋公齊侯遇于梁邱杜預

曰高平昌邑縣西南有梁邱鄉又東北于乘氏縣西而北注菏水菏水又東南逕乘氏縣故城南縣即春秋之乘邱也故地理風俗記曰濟陰乘氏縣故宋乘邱邑也

全氏曰乘邱非乘氏乘氏非宋地乃魯地一清按地理志濟陰郡乘氏縣師古注引應劭曰春秋敗宋師于乘邱此鄭亭漢孝景中五年封梁孝王子買為侯國也

理志曰乘氏縣泗水東南至睢陵入淮郡國志曰乘氏有泗水此乃菏澤也尚書有導菏澤之說自陶邱東北至于菏無泗水之文又曰導菏澤被孟豬孟豬在睢陽縣之東北關駟十三州記曰不言入而言被者明不常入也水盛方乃覆被矣澤水淼漫俱鍾睢泗故誌有睢

陵入淮之言以通苞泗名矣然諸水注泗者多不止此
可以終歸泗水便得擅通稱也或更有泗水亦可是水
之兼其目所未詳也

又東過昌邑縣北

濟水又東逕昌邑縣故城北地理志曰縣故梁也漢景
帝中六年分梁為山陽國漢武帝天漢四年更為昌邑
國以封昌邑王賀一清按諸侯王表天漢四年封者是
哀王髡亦見武五子傳乃賀之父也
道元賀廢國除以為山陽郡王莽之鉅野郡也後更為
高平郡一清按晉志高平國晉初分山陽
置宋志云晉武帝泰始元年更名後漢沈州治
縣令王密懷金謁東萊太守楊震震不受是其慎四知

處也大城東北有金城城內有沈州刺史河東薛季像
碑以郎中拜剡令甘露降園熹平四年遷州明年甘露
復降殿前樹從事馮巡主簿華操等相與褒樹表勒棠
政次西有沈州刺史茂陵楊叔恭碑從事孫光等以建
甯四年立西北有東太山成人班孟堅碑建和十年尚
書右丞拜沈州刺史從事秦閏等刊石頌德政碑咸列
焉

又東過金鄉縣南

郡國志曰山陽有金鄉縣濟水逕其故城南世謂之故
縣城北有金鄉山也一清按郡國志山陽郡金鄉縣劉
昭注引晉地道記曰縣多山所治

名金山鑿而得金故名今注云金鄉山縣蓋以山得名

又東過東緡縣北

濟水又東逕漢平狄將軍扶溝侯淮陽朱鮪冢墓北有石廟濟水又東逕東緡縣故城北故宋地春秋僖公二十三年齊侯伐宋圍緡十三州記曰山陽有東緡縣鄒衍曰余登緡城以望宋都者也後漢世祖建武十一年封馮異長子璋為侯國也

又東過方與縣北為菏水

濟水東逕重鄉城南左傳所謂臧文仲宿于重館者也菏水又東逕武棠亭北公羊以為濟上邑也城有高臺

二丈許其下臨水昔魯侯觀魚于棠謂此也在方與縣故城北十里經所謂菏水也菏水又東逕泥母亭北春秋左傳僖公七年秋盟于甯母謀伐鄭也菏水又東與鉅野黃水合菏澤別名也黃水上承鉅澤諸陂澤有濛濛育陂黃湖水東流謂之黃水又有薛訓渚水自渚歷薛村前分為二流一水東注黃水一水西北入澤即洪水也黃水東南流水南有漢荊州刺史李剛墓剛字叔毅山陽高平人熹平元年卒見其碑有石闕祠堂石室三閒椽架高丈餘鏤石作椽瓦屋施平天造方井側荷梁柱四壁隱起雕刻為君臣官屬龜龍麟鳳之文飛禽

走獸之像作制工麗不甚傷毀洪氏适隸圖曰右荆州

一軸高不及尺長一丈有半所圖車馬之上橫刻數字

云君為荆州刺史時前後導有騶騎有步卒標榜皆湮

沒在後一車碑失其半止存東郡二字向前一車車前

有勝一車僅存馬足泰半無碑少前六騎形狀結束胡

人也其上一刻數字惟烏桓二字可認漢長水校尉主

烏桓騎又有護烏桓校尉此以烏桓為導騎必二校尉中

李君嘗歷其一所圖列女傳三事其一三人車一馬一

無鹽醜女齊宣王侍郎凡三勝車前一勝無字其一四

人三勝惟梁高行梁使者二勝有字此二列女武梁碑

中亦有一勝而其一人樊姬楚莊王叔敖鄭女凡四勝

後馮方圓仲宛轉假借書欲絕筆而得之鄺氏所載古

州馮方圓仲宛轉假借書欲絕筆而得之鄺氏所載古

碑百餘惟李剛魯峻二墓有圖畫趙氏雖云曾得魯君

畫像而碑錄中無其目此碑自來好古之士未之見也

隸釋所有僅七種除武梁之外餘碑他無別本數十年

後紙敝墨渝航古之士撫卷

太息亦猶今之閱水經也

黃水又東逕鉅野縣北何

承天曰鉅野湖澤廣大南通洙泗北連清濟舊縣故城

正在澤中故欲置戍於此城城之所在則鉅野澤也衍

東北出為大野矣昔西狩獲麟于是處也皇覽曰山陽

鉅野縣有肩髀冢重聚大小與鬪冢等傳言蚩尤與黃

帝戰剋之于涿鹿之野身體異處故別葬焉黃水又東

逕咸亭北春秋桓公七年經書焚咸邱者也水南有金

鄉山縣之東界也金鄉數山皆空中穴口謂之隧也戴

延之西征記曰焦氏山北數里有漢司隸校尉魯恭冢

一清按魯恭當作魯峻其墓碑云君諱峻字仲嚴山陽

昌邑人金石錄跋尾云魯峻碑其他地理書如方輿志

寰宇記之類皆作峻惟水經誤轉寫為恭隸釋曰漢故

司隸校尉忠惠父魯君碑在濟州任城縣魯君名峻歷

郎中謁者河內丞侍御史頓邱令九江守議郎太尉長
 史御史中丞司隸校尉遭母憂自乞拜議郎服竟還拜
 屯騎校尉靈帝熹平元年卒明年葬門生丁直等三百
 二十人謚之曰忠惠其子叡立石作銘水經亦載此碑
 但誤以為名恭爾按鄺注止言魯冢穿山得白蛇白兔
 及石祠石廟而不言有碑也詳見下
 不葬更葬山南鑿而得金故曰金山山形峻峭冢前有
 石祠石廟四壁皆青石隱起自書契以來忠臣孝子貞
 婦孔子及弟子七十二人形像像邊皆刻石記之文字分
 明隸圖魯峻石壁殘畫像錄曰右二石並廣三尺崇二
 尺此石上下三橫首行一勝云祠南郊從大駕出時
 次有大車帳下騎鮮明小史騎凡十六勝大車之上
 勝三字上兩字畧有左畔偏傍似是校尉騎字車前一
 旁鮮明八騎步于中者四人一勝鈴下二字三十餘騎
 如魚鱗然列兩行橫車之後後有駙馬二匹勝曰持駙
 馬又帳下一騎小史持幢四騎次橫勝曰薦士一人有
 勝奏曹書佐主簿車各一勝有車馬又騎史僕射二騎

馬騎史僕射二騎鈴下二騎各有勝第三橫冠劍接武
 十有五人人一勝蓋闕里之先賢也次石上橫兩勝云
 一君為九江太守時車前導者八人後騎石損其半少前
 刻雲氣下橫十有六人形象標勝與前石同後漢志大
 駕鹵簿五校在前按魯峻碑嘗歷九江太守終于屯騎
 校尉從駕南郊乃屯騎之職藏此者不知為何人碑既
 有九江標勝又有屯騎職掌更有先賢形象定為魯峻
 石壁所刻其誰曰不然考孔子家語史記七十子傳郟
 子斂名異樊子遲名須顏子商子木名瞿左子行名郟縣子
 期名成樊子遲名須顏子商子木名瞿左子行名郟縣子
 名無繇叔子其者叔仲會也史作子期子產名季顏子路
 孺子象者姓縣名亶子景伯也史作子期子產名季顏子
 孔聖真宗錄以子服景伯在七十子之問也唐劉懷玉作
 是漆雕哆地皇候鈕書七作乘韓勅碑書漆作涑漆雕
 哆字子斂恐地皇候鈕書七作乘韓勅碑書漆作涑漆雕
 駟者恐是壤駟赤子偃恐是言游如顏子期史作子祺姓
 子思數人姓氏分明與史家異同魯張之鞅史記作申棠家
 語作申續檀弓以申詳為顛孫子張之鞅史記作申棠家
 以為兩地音聲如此則傳聞異辭無足疑者又二石長

過于前其後者六又主客三人列坐侍者四中橫三車如
 侍于前後者六又主客三人列坐侍者四中橫三車如
 雍邱令畫一車導騎二一車兩人在前一車一人在後
 屋下之人三五賓主三車有標榜皆湮滅下橫十有七
 人如前石所圖聖門高弟人亦一榜一字不可認其一
 則上橫七騎皆右馳中橫二車一有一導騎一則倍之
 未有一人在屋下二稚子在屋上下橫兩車皆駕一
 馬又一車有導騎二未有五人在屋下立車皆有榜惟
 四導騎者上下各一字粗可認上曰君下曰郎魯君再
 為議郎豈謂是乎以其冠劍人物絕類九江石壁所畫
 疑此二石亦是魯祠四壁者汪聖錫家有此碑後漢志
 列侯會耕祠導從中有鮮明卒朱氏畫史朱浮墓石壁
 人物有鮮明數隊或者不能細認先賢姓氏但又有石牀
 見有鮮明數隊遂謂是朱浮墓壁畫象非也

長八尺磨瑩鮮明叩之聲聞遠近時太尉從事中郎傅
 珍之諮議參軍周安穆折敗石牀各取去為魯氏之後
 所訟二人竝免官焦氏山東即金鄉山也有冢謂之秦

王陵山上二百步得冢口塹深十丈兩壁峻峭廣二丈
 入行七十步得埏門門外左右皆有空可容五六十人
 謂之白馬空埏門內二丈得外堂外堂之後又得內堂
 觀者皆執燭而行雖無他雕鏤然治石甚精或云是漢
 昌邑哀王冢所未詳也東南有范巨卿冢石柱猶存巨
 卿名式山陽之金鄉人漢荊州刺史與汝南張劭長沙
 陳平子石交號為死友矣一清按隸釋云故廬江太守
 范府君之碑在濟州任城魏
 明帝青龍三年縣長薛君鄉人翟循等所立者也黃水又東南逕任城郡之亢
 父縣故城西夏后氏之任國也漢章帝元和元年別為
 任城在北一清按續志任城國劉昭補註云
 章帝元和元年分東平為任城王莽之延

就亭也縣有詩亭春秋之詩國也王莽更之曰順父矣
地理志東平屬縣也世祖建武二年封劉隆為侯國其
中謂之桓公溝南至方與縣入於荷水荷水又東逕秦
梁夾岸積石一里高二丈言秦始皇東巡所造因以名
焉

荷水又東過湖陸縣南東入於泗水

澤水所鍾也尚書曰浮於淮泗達於河是也一清按達

當依說文改作荷字黃公紹韻會舉要曰荷或作荷余
按舊注尚書導荷澤被孟豬集韻亦作荷案淮泗入河
必導于汴世謂汴是隋煬帝始通而疑禹貢有浮于淮
泗達于河之文說者牽合傳會或指鴻溝引河水入泗
安知非禹之迹或謂當時必有可達之理蔡氏書傳亦
莫知所折衷今案說文荷是音柯注引禹貢浮于淮泗

達于荷與導荷澤同則是達于荷非達于河也許慎所
見蓋古文尚書後人傳寫之誤不知從草例以禹貢上
下文達于河為句改荷為河陸德明又以河音如字遂
啓後人淮泗不能達河之疑然陸氏于荷澤下注徐音
柯又工可切于浮于淮泗達于河下亦注云說文作荷
工可切水出山陽湖陵南則非九河之河明矣如字之
音陸氏誤也近世惟新安王氏曰濟入河溢為滎會于
荷注于泗則河為荷益明矣新安王氏曰濟入河溢為
書全解古文尚書疏證曰按浮于淮泗達于荷今本作
河二孔無傳疏止陸德明引說文作荷余考之荷字是
也蓋荷者澤名為濟水所經又東至于荷者是豫之
東北即徐之西北舟則自淮而泗自泗而荷然後由荷
入濟以達于河此徐之貢道也或曰曷不詳言之余曰
以上文充州浮于濟潔達于河次青州便浮于汶達于
濟不復言達于河矣又次徐州浮于淮泗達于汶亦不
復言達于濟矣至揚州則沿于江海達于淮泗且亦不
言達于荷矣不復言者蒙上文也一層脫卸一層雖由
當日水道之自然而其敘法從變字法從簡屬聖經
之筆直言達于河不識其何途之從惟言達于荷而水
道歷歷然在目一字之長有助不小禹貢雖指曰青承

充曰達于濟則由濟入濰可知矣徐承青曰達于荷則由荷入濟可知矣揚承徐曰達于淮泗則由淮入泗由泗入荷可知矣淮通泗泗通荷荷通濟濟通河四州之貢道無不由濟者蓋閭以順推胡以逆派可互相發明也錐指又曰漢志山陽郡湖陵縣下有黃河此河字明係達于河水在南漢時湖陵縣安得有黃河此河字明係荷字之誤水在南謂荷水在南也酈道元泗水注引此文云荷水在南水經濟水篇言荷水過湖陸縣南東入泗皆確證不獨許東觀漢記曰蘇茂殺淮揚太守得其慎說文作荷也

郡營廣樂大司馬吳漢圍茂將其精兵突至湖陸與劉丞相會濟陰山陽濟兵于此處也

又東南過沛縣東北

濟與泗亂故沛納兩稱矣東觀漢記安平侯蓋延傳曰延為虎牙大將軍與永等戰永軍反走溺水者半復與

戰連破之遂平沛楚臨淮悉降延令沛修高祖廟置齋夫祝宰樂人因齋戒祠高廟也

又東南過留縣北

留縣故城翼佩泗濟宋邑也春秋左傳所謂侵宋呂留也故繁休伯避地賦曰朝余發乎泗洲夕余宿於留鄉者也張良委身漢祖始自此矣終亦取封焉城內有張良廟也

又東過彭城縣北睢水從西來注之

濟水又南逕彭城縣之故城東北隅不東過也睢水自西注之城北枕水湄濟水又南逕彭城縣故城東不逕

其縣北也蓋經誤證

又東南過徐縣北

地理志曰臨淮郡漢武帝元狩五年置治徐縣王莽更之曰淮平縣曰徐調故徐國也春秋昭公三十年吳子執鍾吾子遂伐徐防山以水之遂滅徐徐子奔楚楚救徐弗及遂城夷以處之張華博物志錄著作令史茅溫所爲送劉成國徐州地理志曰徐偃王之異言徐君宮人娠而生卵以爲不祥棄之于水濱孤獨母有犬名曰鵠倉獵于水側得棄卵銜以來歸孤獨母以爲異覆煖之遂成兒生時偃故以爲名徐君宮中聞之乃更錄取

長而仁智襲君徐國後鵠倉臨死生角而九尾實黃龍也偃王盾之徐中今見有狗壘焉偃王治國仁義著聞欲舟行上國乃導溝陳蔡之間得朱弓矢以得天瑞遂因名爲號自稱徐偃王江淮諸侯服從者三十六國周王聞之遣使至楚令伐之偃王愛民不鬪遂爲楚敗北走彭城武原縣東山下百姓隨者萬數因名其山爲徐山山上立石室廟有神靈民人請禱焉依文卽事似有符驗但世代懸遠難以詳矣今徐城外有徐君墓昔延陵季子解劍于此所謂不違心許也

又東至下邳睢陵縣南入於淮

耳 濟水與泗水渾濤東南流至角城同入淮經書雖陵誤

水經注釋卷八終

海甯錢保塘
華陽吳祖椿覆校

